

ԱԻ. ՅԷՐ-ՅԱՐՈՒԹԻՒՆՆԱՆ.


ՊՈՒՅԵԱՆ

ԵՒ

ՆՐԱ ԳՐԱԿԱՆ ԳՈՐԾՈՒՆԵՈՒԹԵԱՆ ԱՐԺԷՔԸ



Հրատարակութիւն
ՀԱՅԿ ՅՈՎՀԱՆՆԻՍԵԱՆԻ



Գինն է 25 կոպ.

ՆՈՐ ՆՍՈՒՋՆՈՒՄ
Տպարան Սերոբյր. Աւագանի
1908

2 (1)

ՊՈՑԵԱՆ

ԵՒ

ՆՐԱ ԳՐԱԿԱՆ ԳՈՐԾՈՒՆԵՈՒԹԵԱՆ

ԱՐԺԷՔԸ



Հրատարակութիւն
ՀԱՅԿ ՅՈՎՀԱՆՆԻՍԵԱՆԻ




ՆՈՐ-ՆԱԽԻՉԵՒՄՆ
Տպարան Սերովքէ Աազեանի
1908



Handwritten text, possibly a date or reference number, is faintly visible in the upper middle section of the page.

Handwritten text: 513
Ligne



2 (1)

Իւր յագեղի ուսուցիչ

Պ. Մանուկ Աբեղեանին

Նուէր

Աշխատասիրողից

Պոօշանի առանձին զբքով հրատարակուած ինքնուրոյն
գրուածները և մնացած մի քանի կարևորները:

1. Սօս եւ վարդիթեր 1860, 1887, 1905.
2. Աղասի ողբերգութիւն 1863.
3. Ղարաբաղու տիր. Մարիամեան աղջկանց դպրոցի բացումը 1864.
4. Ազուլեաց երկսեռ դպրոցների բացումը 1867.
5. Կոռածաղիկ 1878, 1897.
6. Հացի Խնդիր 1880, 1904.
7. Շահէն 1883, 1905.
8. Յնցեր 1889.
9. Բողէ 1890.
10. Սկիզբն Երկանց 1892.
11. Յուշիկներ I 1894.
12. Նա 1896.
13. Արցիզի 1896.
14. Միքէլ Աղնց Արդիւք 1896.
15. Մեր Խեչոն 1899.
16. Յունոն 1901.

1. Առ անձկալին Շուշան ղուտար վարդանայ Մեղու 1859, № 16,
Երկրորդ անգամ Աղբիր 1888 սևապ.
2. Որսորդ Բաղդոն. Արարս 1894 Ա.
3. Եկեղեցական հաշուետուութիւն (պատկեր). Արարս 1894 Բ.
4. Օրը կիրակի է, երազը սուտ. Բանասէր 1903.
5. Մոռնք. Լուսայ 1900 Ա.
6. Բանոս. Լուսայ 1903 № 4.
7. Լուսանկարչի յեշատակարանից. Մասիս 1893, 458—463.



Իմ հարգելի Պրոֆեսոր Սարգս
Վարդանյանին, որ հարգանք
հարստացրեց ինձ հետոյ
(հարգանքով ինձ)

ՊՌՕՇԵԱՆ ԵՒ ՆՐԱ ԳՐԱԿԱՆ ԳՈՐԾՈՒՆԷՈՒԹԵԱՆ ԱՐԺԷՔԸ

1. Պոռչեանի բոլոր վէպերը.
2. Ա. Չօլանեան. Անահիտ 1899 թ. № 8.
3. Ն. Բարամեան. Մուրճ 1889 թ.
4. Լէօ. Ռուսահայոց գրականութիւնը. վեցնե-
տիկ 1904 թ.
5. Մ. Նալբանդեան. Սօս և Վարդիթերի առ-
թիւ Հանգ. գրական և պատմական:

Ա.

Պերճ Պոռչեանը ծնուել է 1837 թ. Աշտարակ գիւղում մի աղքատ ընտանիքի մէջ. սկզբնական անունը Յովհաննէս է՝ Տէր-Առաքելեան ազգանունով: Նրա հայրը պարսպում էր դերձակութեամբ, բայց ինչպէս գիւղական միւս արհեստները, այնպէս էլ դերձակութիւնը՝ ընտանիքը տնտեսապէս ապահով գրութեան մէջ պահելու համար առատ աղբիւր չէր հանդիսանում. այնպէս որ դերձակ Ստեփանը (այդպէս էր Պոռչեանի հօր անունը) հազիւ էր կարողանում մատների աշխատանքով ընտանիքի համար օրական հաց հայթայթել, և միևնոյն ժամանակ չէր զլանում պարապ ժամանակները որդիներին իր գիտցած այրուբինը սովորեցնել: Բախտի բերմամբ Յովհաննէսը իր առաջին գրավարժութիւնը չէ սկսում նարեկի կամ ժամագրքի վրայ, այլ նրան վիճակում է այն ժամանակ ընդհանրացած տաճկահայոց բարբառով և նոր մեթօդով՝ պատկերազարդ այբբենարանը:

Փոքրիկ Յովհաննէսը անուշադրութեան չէ մատնուում Աշտարակ գիւղում. Մոզնու վանահօր մօտ 12 տարեկան հասակում գրել, կարդալ, սաղմոս և նարեկ անգիր անցնելուց յետոյ, ուշիմ և ժիր յատկութիւնների շնորհիւ արժանանալով Ներսէս կաթողիկոսի որդեգրութեան, մտնում է Ներսիսեան դպրանոցը:

Այդ թուականներին և դրանից առաջ մեր ազգի մտաւոր և հասարակական գրութիւնը ողբալի վիճակ էր ներկայացնում. քաղաքակրթութեան նշոյլն անգամ չէր երևում հայերիս մէջ և զրկուած հասարակութեանը խոր քնից սթափեցնող լրագրներից ու հասարակական շահերի նախանձախնդրութիւնից աւելի ոյժ էին տալիս խաւարի և տգիտութեան ծնունդ «անձնական կրքերի, անիրաւութիւնների, հարստահարութիւնների, մատնութեան, ռխակալութեան»: Չկար իսկ կանոնաւոր վարժարան, որտեղ պահուէր ազգի թանկագին տարրը՝ լեզուն, միայն այս կամ այն խանութում խալիֆայական դասաւանդութիւնը տեղի էր ունենում մի քանի մօնթ կոչուած տղաների համար. «ժողովուրդը ընկղմած խաւարի մէջ, բարոյապէս ընկած և ցաւալի դրութեան մէջ էր», գրում է հանգուցեալ Նրիցեանը: Այս կորուստաբեր մթնոլորտը զուցէ վատ ազդեցութիւն ունենար ուժասպառ հայի համար, եթէ քաղաքական հանգամանքների փոփոխութեան բարերար ազդեցութիւնը, երջանկայիշատակ Ներսէս կաթողիկոսի հիմնած դպրոցը օգնութեան չհասնէին. վերջինս իր դռները բանալով հայ օտարախօս ուշիմ մանուկների առաջ և նրանց լեզու տալով ու ազգային զգացմունք ներշնչելով, ուղարկում էր թափուր մնացած գործունէութեան ասպարէզ, դէպի տգէտ ժողովուրդի գիրկը: Ներսէս կաթողիկոսը այս յուսով էր սրամիտ Յովհաննիսին որդեգրել և մտցրել դպրոցը 1852 թ. յունուարին:

Բարերախտաբար այդ ժամանակ տեսուչ է նշանակուում Շանշեանը, մի պատկառելի անձնաւորութիւն, որին, նայած վկայութիւններին, դպրոցը իր յառաջագիմութեամբ շատ է պարտական: Նա իր համեստ բնասորութեամբ, բարձր կրթութեամբ աշակերտների համար օրինակ էր հան-

զիսանում, միևնույն ժամանակ կուում էր վաստակած թշնամի-
ների դէմ դպրոցի ուսումնական և տնտեսական մասի վե-
րաբերմամբ: Լինելով հաստատուն ընաւորութեան տէր,
քրիստոնեայ ոգով ներշնչուած հայ մարդ, վայելում էր կա-
թուղիկոսի համակրութիւնը, որով ձեռք է բերում դպրո-
ցում նորամուտ կարգեր և անհրաժեշտ փոփոխութիւններ
մտցնելու համար հզօր պաշտպան, միւս կողմից էլ հովա-
նաւորում էր Յակովբ Կարինեանի պէս ուսումնասէր վար-
ժապետներին, որոնք ամբողջ հոգով նուիրուած էին հայ
մանուկներին կրթութեան և դաստիարակութեան գործին:

Հակառակորդ թշնամիները արգելք եղան Շանշեանին
շատ բան անելու, որոնց թոււմ խանգարուեց նաև բնական
առարկաներ մտցնելու ծրագիրը, բայց դրա փոխարէն հիմ-
նաւորապէս անցան եղած առարկաները, մանաւանդ կրօնա-
դիտութիւնը և հայերէն լեզուն: Այսպիսի անձնաւորութեան
առաջնորդութեամբ սովորելով, Յովհաննէսը ձեռք բերեց
հայրենասիրութեան ոգի, հաստատակամութիւն, վարքի
մաքրութիւն և կրօնագիտութեան մէջ խորը համոզում. այս
վերջինը ոչ միայն Յովհաննիսի, այլ և միւս աշակերտների
կողմից մեծ չափով արտայայտութիւն էր գտնում. Մեծ
պահօց շարաթ երեկոները Շանշեանի առաջնորդութեամբ
աշակերտները քարոզներ էին կարդում: Թշնամիները աշխա-
տելով տապալիւ Շանշեանին՝ տքնում էին այդ քարոզների
մէջ հակա լուսաւորչական ուղղութիւն տեսնել և նրան բո-
ղոքական հրատարակել, բայց նա, ինչպէս երևում է, վհա-
տող անձնաւորութիւններից չէր...:

Յովհաննէսը զգացմունքով քարոզ խօսողներից էր.
ուստի քանի գնում աւելի ու աւելի էր սիրում կաթու-
ղիկոսից, բայց մի հանգամանք զրկեց նրան կաթուղիկոսի
բաղդը հայեացքից, որից յետոյ սկսում են նրա համար չար-
քաշ օրեր: Վերջին դասարանումն էր, երբ կաթուղիկոսի
հաճութեամբ որոշուեցաւ բարձր դասարանի աշակերտներին
ուրար տալ. Յովհաննէսը չէ համաձայնում, անշուշտ, կրօ-
նական կոչման մէջ մտնելու ցանկութիւն չունենալու հա-
մար, և հէնց այդ օրուանից կաթուղիկոսի աչքից ընկնում է:

Ապարդիւնն է անցնում Լազարեան ձեռարան գնալու ցանկութիւնը և ոչնչանում են, համարեա, երիտասարդ Յովհաննիսի բոլոր ծրագրները. բայց և այնպէս նա որոշում է գիմնադիրն մտնել: Սուղ միջոցները արգելք են լինում նրան շարունակելու ուսումը, ուստի ստիպուած թողնելով ուսումնաւայրը, վերսդառնում է հայրենիք:

Պոօշեանը սկզբում որքան յաջողութիւն էր գտնում՝ որքան շատ հայրական խնամք վայելում, այնքան աշխատառնաց արանջելու ստիպուած էր տեղի տալ անողոր բախտի որոշումներին: Վերագառնալով հայրենիք, տեսնում է իրենց ընտանիքի վատթար վիճակը, պարտքերի տակ ճնշուած եղբօր անմխիթար դրութիւնը, օշխատում է մի զործի կպչել, որպէսզի կտրողանայ թեթեցնել իր պատճառած, առանց այն էլ սուղ միջոցներով ապրող մի ընտանիքի ծանրութիւնը:

Աշտարակում այդ ժամանակ մի դպրոց կար տիրացուներից մէկին յանձնած, որտեղ թաղաւորում էր բացարձակապէս խալիֆայական սխտեմը իր բոլոր յատկանիշներով: Պոօշեանն իրրև առևտագէտ, ժողովրդի ցանկութեամբ ընկերանում է տիրացուի հետ, բայց շուտով դպրոցը մնում է նորա խնամակալութեան ներքոյ, որովհետև տիրացու վարժապետը չկամեցաւ «գիտնական» մտրդու հետ ծառայել: Թէպէտ Պերճ Պոօշեանը*) մասամբ նոր կարգեր մտցրից դասաւանդութեան մէջ, դպրոցի անտեսականի համար հողաբարձու ընտրել տուաւ, յամենայն դէպս մեծ յաջողութիւն չունեցաւ. երբեմն ստիպուած էր իր փայփայած մտքերին, Շանշեանից ժառանգած գաղափարներին ու կարգերին դուրսանալու: Ուրիշ կերպ էլ չէր կարող, որովհետև հացի խընդիրն էր. «գոյութեան կռիւն էր ինձ տագնապի մէջ զնողը,

*) Թերևս Պոօշեանն իր իսկական անունը գիւղում եղած ժամանակը փոխած լինի, մանաւանդ երբ իմանում է որ, Պոօշեանի սերունդից է, որ ինքը Պահլաւիկ Գրիգոր Մազխտորոսի եղբօր որդի Պոօշից է (?), ուստի սկսում է գործ ածել Պերճ անունը, Պոօշեան ազգանունով: Տես Կոռսածաղիկ 24, Յուշիկներ 1, 5—12:

կամ պէտքէ պառաւ ծնողիս և քոյրերիս օգնելու քաղցր պարտականութիւնից ձեռք քաշէի և կամ գաղափարից», գրում է նա և աշակերտների ծնողների պահանջմամբ տեսնում ենք Պոօշեանին դարձած ամենախիստ կերպով ձեծող, պատժող, փալախայի ազդեցութեանը խնկարկող խալիֆայ ուսուցիչ:

Ուսուցչական պաշտօնը առիթ է լինում Պոօշեանին ի մօտոյ ծանօթանալու գիւղական բարքերին, սովորութիւններին. բայց ժողովրդական կեանքին մեծ չափով ծանօթութիւն բերեց մանաւանդ այն ժամանակ, երբ Մողնու Վանքում նստող գործակալ վարդապետի քարտուղարը և հաշուապահը դարձաւ. նա էր կատարում բոլոր գրութիւնները, դանազան զեղծումների, զանգատների, ամուսնական խնդիրների քննութեանը կամ որոշմանը ակնհատես և մասնակից էր: Թէ վարժապետութեան և թէ քարտուղարութեան պաշտօնում եղած ժամանակը Պոօշեանը քիչ էր վաստակում, շատ քիչ վարձատրւում, սակայն բարոյապէս աւելի էր օգտւում, որովհետև միջոց ունեցաւ շատ մօտ ծանօթանալու Արարատեան գաւառի բնակիչների նիստ ու կացին, սովորութիւններին, աւանդութիւններին, որ յետոյ նրա երկասիրութիւնների էական մասը կազմեցին:

Շնորհիւ Սարգիս կպիսկոպոս Զալալեանի՝ Պոօշեանը նորից թիֆլիս է գնում, որտեղ սկզբում յաջողում է մասնաւոր դասեր ունենալ և յետոյ միևնոյն ժամանակ ուսաց լեզուի ուսուցիչ լինել Ներսիսեան դպրոցի պատրաստական դասարանում: Այս անգամ թիֆլիսում մի կարևոր հանգամանք առիթ եղաւ Պոօշեանցին արտայայտուելու: Դէպքի բերմամբ մանում է նա իր համագիւղացի Յովհաննիսի տունը, ուր և ստանում է նոր հրատարակուած «Վէրք Հայաստանին» իբրև զբաղեցուցիչ գիրք մի երկու ժամուայ համար՝ տանտիրոջ բացակայութեան պատճառով: Պոօշեանը երկու անգամ իրար յետևից կարդում է այդ գիրքը և ամեն անգամ էլ կարելի էր նրա դէմքի վրայ կարդալ հոգեկան յուզուած գրութիւն, ախրութիւն, ուրախութիւն, որ ապացոյց է

խորը տպաւորութիւն ստացած լինելուն: Հէնց այդ երեկոյ էլ Պոռշեանը իր հայրենակից բարեկամի առաջ կը դուռնէ Արովեանին աշակերտելու:

Աշակերտ ժամանակ նա ոգևորուած էր Արովեանի տեսքով, նրա կարգադրութեամբ ու քաղցր մտերմական յարաբերութեամբ, նրա փայփայանքներով, որից կարծես թեք էր ստանում թուշելու. այժմ էլ երիտասարդ Պոռշեանը ոգևորուած է նոյն մեծ մարդու գաղափարներով, նրա նոր մտքերով և գրականութեան համար նոր ճանապարհ բաց անող գրքով:

Պոռշեանն իսկապէս Արովեանին հաւատարիմ աշակերտ եղաւ, կատարելով իր երգումը: Յաջորդ երեկոններին նա նստում և գրում է «Սօս և Վարդիթերի» առաջին գլուխը, որը ներկայացնում է ուսուցիչ Կարինեանցին. համակրելի վարժապետը շատ է հաւանում այդ գրուածքը և խրախուսում է շարունակել. «Արովեանցը փակ լեզուդ բաց արաւ, Պոռշ, շարունակիր, չթողնես, նա իր Քանաքեռն անմահացրեց, դու էլ քո Աշտարակն անմահացրու»: Հեղինակաւոր ուսուցչի գովասանքից խրախուսուած, Պոռշեան վերջացնում է «Սօս և Վարդիթերը» և տալիս տպագրութեան 1860 թ.: *)

Այնուհետև Պոռշեանի գործունէութեան շրջանը ընդարձակում է. նա հանդէս է գալիս իրրև գրող և հասարակական գործիչ: Մեծ ջատագով և հոանդուն պաշտպան էր օրիորդաց կրթութեան գործին. նրա նախանձեռնութեամբ թիֆլիսում, Շուշում և Ագուլիսում օրիորդաց դպրոցներ են բացուած. թիֆլիսում միևնոյն ժամանակ «Կոունկ» ամսագրերի խմբագրի օգնականի և սրբագրչի պաշտօն է կատարում: Յատկապէս «Կոունկի» համար Հայաստանի գաւառները ճանապարհորդելու և տեսարաններ ու հնութիւններ նկարելու համար, սովորում է լուսանկարչութիւն, և թէպէտ իսկական նպատակին չի հասնում, բայց միջոց և

*) Սրանից առաջ գրած է լինում իր ուսուցչի հետևողութեամբ մի ոտանաւոր «Առ անձկալին Շուշան դուստր Վարդանայ» (Մեղու Հայաստանի 1859 թ. № 16.):

հնարաւորութիւն է ունենում սոված ժամանակը լուսանկար-
չութեամբ պարապելու:

Շանշեանի հրաւերով Պոռշեանը գնում է Շուշի, որտեղ
երկար չի տևում նրա ուսուցչական գործունէութիւնը,
որովհետև «ստորերկրեայ խարդաւանանքները, որ Թիֆլի-
սից սկսած հալածում են Շանշեաններին, քանդեցին նրա
գործը և Շուշում, որով բոլորովին հեռացրին նրան ազ-
գային ամայացած գործունէութեան ասպարիզից, որ խըղձ-
մասնքի նման այնուհետև հեռուից սկսաւ փառամոլների
և շահամոլների գործունէութիւնը դիտել»: Պոռշեանը չի
վնասում այս լարած թակարդներից, նրա մէջ կենդանի
գործունէութեան հոանդը մղում է ուրիշ տեղ, ուր մի առ
ժամանակ կարող էր ազատ լինել չարասիրտ մարդկանցից,
իսկ հայ ժողովուրդը գեռ պատրաստ չէր այդպիսի անձնա-
նուէր երիտասարդներին իր գիրկը ընդունելու և նրան
խնամելու, որորհետև գեռ խորթ էր նրա համար մի չնչին
գոհողութիւն: Պոռշեանը մի առ ժամանակ թափառելուց
յետոյ, անցնում է Ագուլիս և մի տարուց յետոյ թողնում
է այդ վայրն և՛ դատապարտելով իրեն անգործունէութեան
և մատնելով թափառաշրջիկ կեանքի: Այդ թափառական
կեանքի արդիւնքն է նրա «Շահէն» վիպասանութիւնը: Եւ
անհա երբ սկսում են նրա համար 1866—72 թ. չարքաշ տա-
րիները, այսինքն երբ նա հեռացած է ուսուցչական իդէա-
լական ասպարիզից և մատնուած թափառական կեանքին,
լուսանկարչութիւնը միջոց է տալիս մուրացկանութեամբ
չ'պարապելու, մինչև «Մշակի» հրատարակութիւնը, երբ
Պոռշեան սկզբում խմբագրութեան անդամ ընտրուեցաւ:

Պոռշեանը երկար չգործեց այս ասպարիզում, որով-
հետև նրա գործունէութիւնը բոլորովին այլ ընաւորութիւն
ունէր. չէ՞ որ նա խոստացել է Արտվեանին աշակերտելու.
այս միտքը միշտ նրան ոգևորում էր և ոյժ տալիս արհա-
մասարհելու ամեն մի անյաջողութիւն: Երբ անյաջող ելք է
ունենում արտասահման գնալու խնդիրը, Վեհապետեան
կախկոպոսի հրաւերքով Աստրախան է գնում Թեմական
Դպրանոցի տեսչի պաշտօնով, բայց որովհետև այդ հրազոտ

բարոյը չկար, Պոօշեանը ֆեոմ է նորարաց ծխական գրգրոցում. իրրե Շանշեանի աշակերտ այստեղից ևս հարածում է և այս անգամ հիւրընկալում է «Փորձ» հանդիսի խմբագրութեան մէջ: «Փորձի» միջոցով գրական տաղարէզ է եղում, տարով մի քանի վէպեր՝ գլխաւորապէս Աշտարակի կեանքից՝ Կոուսաճաղիկ, Հացի խնդիր և Շահէն: Այս շրջանին է պատկանում նրա «Ազատի» թատերգութիւնը, որը ապագրուած օրից արդէն իսկ մոռացուած է:

Պոօշեանը նորից ուսուցչական ասպարէզ է գտնու գալիս. նրան հրաւիրում են Երևանի թեմի դպրոցների տեսչի պաշտօնով, որտեղ էլի հնարաւորութիւն է ունենում Արարատեան նահանգի ժողովրդի բարքերը կատարելապէս ուսուսնասիրելու: Տեսչական գործունէութիւնը *) վերջանում է դպրոցների փակումով, որից յետոյ Պոօշեանի համար սկսում են ամենաստեղծ օրերը. հարիւրաւոր հայ մանուկների դաստիարակը ստիպւած է լինում ամխաղաճատութեամբ պարապելու, որպէսզի մտ. րացկանութեան ճանապարհը չբռնի: Մակաջն այս անտանիլի գրութիւնը երկար չի տևում, 1887 թ. ուսուցչութեան պաշտօնով Երեսիսեան դպրոցն է հրաւիրում, ուր մինչև 1900 թ. անձնուէր ուսուցիչը դասաւանդում էր Հայոց լեզու և կրօնադիտութիւն, իսկ պարապ ժամերը պարապում է գրականութեամբ և «Մուրճի» հրատարակութեամբ նորից ասպարէզ է գալիս և տալիս է Յեցեր, Յունօն, Բզզէ, Մկիգըն երկանց վէպերը:

Բացի այս վէպերից, Պոօշեանը պարապել է նաև թարգմանութեամբ: 15 հատ մեծ ու փոքր երկեր է թարգմանել, որոնցից 9-ը բարեգործական ընկերութեան առաջարկութեամբ:

Պոօշեանը ունեցել է նաև հրապարակածուական դործունէութիւն. զանազան ստորագրութեամբ մանանկցիլ է Մեղու, Մշակ, Արձագանք, Երբ-գար թերթիներն և Հանդէս պատմական ու գրական, Լուսնայ, Տարազ, Մասիս և Բանասէր հանդէսներին, որոնց մէջ ապագրել է գլխաւորապէս փոքրիկ պատկերներ գիւղական կեանքից, աւանդութիւնից և կամ զանազան յիշողութիւններ: Պոօշեանը մեռաւ նոյնմբերի 25-ին՝ 70 տարեկան հասակում:

*) «Յունօն» վէպը այս շրջանի արդիւնք է,

Հասցե

1907

Բ.

Վերածնութեան շարժումը 50-ական թուականներին:—Արժանի
 «Վերը Հայաստանին: Պոռլանը հետևող նրան:—Պոռլանի հայեացքը
 վիպասանութեան մասին: Վիպասանի կեղծ գրութիւնը վեպերի անընա-
 կան տեսարանների նկատմամբ: Պոռլանի պատմական կոչումը սոմա-
 նները.—Վ. Սկրատ իբրև լեռնային ներկայացուցիչ գլխավորութեան այդ
 ճիւղին:—Պոռլանի գաղմակն սոմանների նիւթը. տիպերի և գործո-
 զութիւնների անընակնութիւնը:

Պոռլանի հանած երկու տեսակի՝ բարի և չար բնաւորութիւն-
 ներ.—Վեոնդի, տ. Մելիքբեքի և Սեչանի բնաւորութիւնները իբրև
 պատկեր նրա հանած արեւելի: Վեպերի մէջ գեղարուեստի բացակայու-
 թիւնը, նրանց ներխաժային բնաւորութիւնը. աւելորդաբանութիւններ.
 հրապարակախօսական բնաւորութիւն: Վիպասանի աննպաստութիւնը վե-
 պերի նկատմամբ: Եզրակացութիւն:

Վերածնութեան շարժումը մեր մէջ, թէև սկսուել էր
 շատ առաջ, բայց շատ ուշ պտուղներ տուեց: 19-րդ դարու
 առաջին քառորդից կամաց-կամաց սկսել էր պէճին տալ և
 միայն յիսուսական թուականներին բռնկուում է միանգամից
 նոր սլոխի և հանդէս գալիս, համարեա, իր բոլոր կողմե-
 րով: Սոր քնից զարթնում է հայը, տեսնում է իրեն մեր-
 կացած և նեղ շրջանում պարփակած, անհրաժեշտութիւն է
 զգում արմատապէս փոխուելու, քանդելով իր այդ անձուկ
 կեանքի սահմանները: Լուրջ ուսումնասիրութեան է առնում
 իր ընթացքը, ուսումնասիրութեան ենթարկում կեանքը և
 սերունդ կրթելու համար միջոցներ ձեռնարկում. որովհետև
 մինչև այդ մասամբ կեանքի, գոյքի անապահով գրութիւնը
 և դրանից առաջացած մեծամեծ շարիքները, պանդխտու-
 թիւնը, կրօնական կնճոտտ խնդիրները ֆիզիքապէս և մտա-
 ւորապէս մաշուած հային արգելք էին լինում գէթ մի ան-
 դամ իր կեանքը քննելու մասին մտածելու և զէպի կորուստ
 տանող անդունդի բռնակցութիւնը դրսուտ: Ճիշտ է, այս
 մեռելային գրութիւնը երբեմն խանդարում էր սեփեղ կամ-
 քի և բնականից օժտուած անհասանելի շնորհիւ, բայց բու-
 ժիչ սպիտանի լինել չէին կարողանում այն վէրքին, որ եր-
 կար մամանակ տանջում, մաշում էր հային: Բաց անել այդ

մեռելային գրութեան մէջ թագնուած կեդտերը, սպանիչ թոյնը, երեան հանել պակասութիւնները, ցոյց տալ կենսատու լոյսը, միայն կարող էր անել պարբերական մամուլը: Ծանօթացնել անցեալի հետ, ազգային գիտակցութիւն առաջ բերել, սերունդ կրթել առաջաւոր ազգերին հետեւելով, կարող էր անել միայն դպրոցը. և մենք, թէև պակաս չափով ունէինք և մամուլ և վարժարան, բայց երկուսն էլ խալիֆայական էին, երկուսն էլ զուրկ ներգործող ոյժ ունենալու զօրութիւնից:

Հայերս մի ընդունակութիւն ունենք շատ շուտով ընդօրինակելու մի նոր բան՝ լինի այդ ուրիշ ազգերի մէջ տարիների ընթացքում արեան գնով ձեռք բերած, կամ հանձարների մոզական գաւազանի հարուածով առաջացած և կամ թէ մարդկութեան տկանքի հնարած: Այս երևոյթը ունի իւր առաւելութիւնները և պակասութիւնները, բայց վերածնութեան ժամանակ գոնէ բարերար ազդեցութիւն ունեցաւ: Յարարերութեան սահմանը ընդարձակելով և հետզհետէ օգտուելով Եւրոպական քաղաքակրթութիւնից, կարճ ժամանակում մեծ յեղափոխութիւն է սկսւում մեր մէջ, առաջ բերելով նոր գաղափարներ, նոր աշխարհայեցողութիւն: Այս նոր աշխարհայեցողութեան համար բաւականութիւն չէր կարող տալ հինը, որը կամ թերի էր կամ անյարմար և կամ անպէտքացած: Անհրաժեշտութեան պահանջներին միայն հոգևորականները չէին կարող բաւականութիւն տալ իրենց մինաշնորհ իրաւունքով՝ գրաբար լեզուով, ուստի ասպարէզ են գալիս նաև աշխարհականները նոր, հասկանալի, բոլորին մատչելի լեզուի հրահանգով և անհրաժեշտ պակասութիւնները լրացնելու տենչով:

Այս նորամուտ տարրերի ազդեցութիւնը, նոր ասպարէզ եկող երիտասարդների գործունէութիւնը, Եւրոպական կեանքի հետ ունեցած շփումը բացի կեանքի և հետևապէս գրականութեան վրայ ազդելուց, կերպարանափոխ են անում մեր լեզուի մասին ունեցած գաղափարը: Նոր շրջան է սկսւում, նոր կեանք ստեղծւում, ուստի սրանց համապատասխանող նոր լեզուի կարիք է զգացւում, որ ժողովրդի

մեծամասնութեանը հասկանալի լինէր: Այս գաղափարը, մսանյայտութեան մէջ էր մեր վերածնութեան գործի առաջնորդների համար, այժմ ծագում է մեծ թափով, որով և գրագիտութիւնը հնարաւորութիւն է ստանում վանքերի պատերից դուրս աշխարհականների համար մատչելի դառնալ: Գրաբարը կարծես կապել էր մարդկանց լեզուն, կաշկանդել էր ազգի բանաստեղծական տաղանդը, և իզուր չէ, որ Արովեանը ասում է. «լեզուս բաց ա էլել իմ ընտիր, ազիզ, իմ սրտի սիրեկան ազգ», ուրեմն աշխարհաբար լեզուի հետեանքը պիտի լինէր լեզուի կաշկանդումից ազատուելը, հետեապէս և գրականութեան բեղմնաւորումը. և իրօք, աշխարհաբարը ոչ միայն այդ է անում, այլ և իր հետ բերում է նոր գաղափարներ, նոր հասկացողութիւններ, որովհետև այն կրօնասիրութիւնը, որ առաջ էր գալիս մեծ մասամբ կրօնական գրքերի վրայ դաստիրակութիւն ստանալուց, պակասում էր, հեռո՛հեռո՛ տեղի տալով հայրենասիրութեան և այլ գաղափարների:

Հեռո՛հեռո՛ բեղմնաւորող արեւելեան մեր գրականութիւնը հակառակ արեւմտեանի՝ իր սկիզբը դնում է ժողովրդի կեանքի և հայրենիքի ուսումնասիրութեան վրայ: Բանաստեղծութիւնը իր զգացմունքի և մտածողութեան աղբիւր գտնում է ժողովրդի կենցաղի և նրա մտաւոր աշխարհի հարստութեան մէջ. գրականութիւնը ունենալով այդ ձգտումը, աշխատում է ժողովրդական կեանքի պակաս, թերի կողմերը ցոյց տալ, ուղղել և քաջալերել լաւ կողմերը, որով և ստանում է մի տեսակ տենդենցիօզ բնաւորութիւն: Այսպիսի բնաւորութիւն ստանալու պատճառը և միևնոյն ժամանակ աշխարհաբարի քաղաքացիական իրաւունք տուող եղաւ Խ. Արովեանը իր «Վէրք Հայաստանի» դիւցազներգութիւնով:

«Վէրք Հայաստանին», որպէս մի նորանշան կրեոյթ մեր գրականութեան համար, մի ծաղիկ խոպան անդաստանում, մեծ ընդունելութիւն գտաւ, և գնահատողը ոչ միայն մի քանի հոգի եղան, այլ քիչ թէ շատ գրագէտ անհատների մի ամբողջ խումբ, որոնք առաջին անգամն էին պատա-

հում այդպիսի բուռն զգացումների արտայայտութեան: Թէպէտ այս դրուածքը զեղարուեստական տեսակէտից շատ թույլ է, բայց իր մէջ ամփոփող զգացումները այնքան խորն են, այնքան հարազատ և անկեղծ, որ ամեն մի ընթերցողի վրայ ազդեցութիւն է թողնում, և ընթերցողը տեսնելով, որ իր զգացումներն են արտայայտած, իր ցուն ու վիշտը երգած, անբաժան ընկեր է դարձնւում: Մի կողմից «Վէրքը Հայաստանին» ոգևորութիւն է առաջ բերում իր դադախարով և իրէտյով, միւս կողմից էլ ճանապարհ է բաց անում զէպի գրական աստղաբէլ այն մատաղ սերնդի համար, որ զեռ կրթում էր դպրոցում:

Արովեանի առաջին աշակերտը եղաւ Պոօշեանը, որը գրական աստղաբիզում համեստ գործունէութիւն ունեցաւ: Արովեանը ոտմանաիկ դպրոցին է պատկանում և նրա «Վէրքը» գրուած է նոյն ուղղութեան ազդեցութեան: Ետ իսկ Պոօշեանը, մասամբ, ուէտլիստ է, թէպէտ երբեմն բնէիլ է ոտմանաիկ դրութեան մէջ, մանաւանդ ա. շրջանում: Երկուսի ցանկութիւնն է եղել, որ ժողովրդին մատչելի գրականութիւն տան նրան ազնուացնելու համար, բայց այդ ցանկութիւնը իրագործելու միջոցները տարբեր են: Արովեան իւր նպատակին ուղեցել է հասնել թշնամի մահճեղանների վրայ ասելութիւնը կենդրոնացնելով և զէպի ժողովրդի հերոսները սէր տածելով, իսկ Պոօշեանը ժողովրդին ազնուացնելու համար անկեղծութեամբ ազդեցութիւնները բեռ է հանել իւր կարողացածին չափ, պախարակել է և միևնոյն ժամանակ արժանիքները հանդէս բերելով խրախուսել (հմտ. Մուրճ:) Պոօշեանը ունի humor և այս յատկութեան շնորհիւ է, որ յաջողել է նրան հեզնել ժողովրդի կեանքի թերութիւնները, բայց զժգախառնար այս հեզնութիւնը ոչ մեծ թափով և ոչ էլ մեծ չափով է արտայայտուել և շատ տեղ նոյն իսկ հեզնութիւնը նրան չի յաջողուել «օր» «հայի խնդրի» մէջ Ռոմանովանի և Շահազիզեան կամարականների նախադրութիւնները:

Պոօշեանն իր ուսուցչից այսքան տարբերութիւններ ունենալով, միևնոյն ժամանակ, ասում ենք, հետևող է նրան, որովհետև «Վէրքը Հայաստանին» նրա համար օրինակ է

ծանոթեցի. Ար... Կեանքը դրել է նոր լեզուով և նոր նիւթ է մշակել. մեզ համար բոլորովին նոր ձևով և նոր էությունով և այս մի քանի «նորերին» է հետևել նա. բայցի դրանից առաջինը շրջանի գրուածները կրում են «Վէրքի» ազդեցութիւնը՝ գլխաւորապէս Կոռւածազիկ:

Պոօշեանը տեսնելով, որ Վէրք Հայաստանին անմահացրել է Քանաքեռը, ցանկացաւ անյայտութեան մէջ չթողնել Աշտարակը, կորստեան վտանգից ազատել իր ծննդավայրի հնաւանդ սովորութիւնները, որովհետեւ «բազմաջան Ա. Արուիհան ուսումնականը զգալով անշուշտ ազգի աւանդութիւններն ու ծէսերը կենդանայնելոյ կարեւորութիւնը, գրեց իր Վէրք Հայաստանին արդիւնաւոր շարագրութիւնը, նկարագրելով նրա մէջ Երևանի նահանգի Քանաքեռ գիւղի լեզուի դարձուածքը և տնային մի քանի սովորութիւններ... Սա առաջինն եղաւ, որ մի դիւցազնի ձեռքով բնծայեց մեր ազգին իր տունին կենաց նկարագիրը... Թէ չէ եղել Աղասին կամ՝ Թէ եղել է մի աննշան ան, հոգ չէ. Աղասու վրայ պատմուածներն ամեն հայ մարդու յատկութիւնն է: Հայնայդ ամենը իր օրօրոցի մէջ իւր մօր կաթի հետ է ծծել... («Սոս և Վարդիթիւր. 2-րդ սպագրութիւնն. յառաջարան»): Ինչհասկալով Արուիհանի այս ուղղութիւնը, նոյն տեղ տուած է, որ ինքը սիրահարուած է մեր հայրերի թողած աւանդութիւնների վրայ, երգում է «իր տկար կարողութեամբ հայրենեաց սովորութիւնը, վարքն ու բարքը և այլ այսպիսի արքային ծէսեր, բայց դիտաւորութեամբ գրուածքը ակտրժալար աննելու համար սիրելի ազգի թէ մեծին և թէ փոքրին և տեսնելով կոչս օրոյ որբութիւնը, երկու կուսից միջնորդութեամբ պատմում է Աշտարակ գիւղի սովորութիւնը, ի մէջ քերելով ամենափոքր և չնչնի համարած արարողութիւններն առանց զանազանելու լան ու վատր»: Եւ յիշաւ, Պոօշեանը իւր այս խառնուած կատարում է, տալով իր վէպերի մէջ Հայաստանի մի գաւառի 50-ական թուականների գիւղական կեանքը, բարբառը և աւանդութիւններն ու սովորութիւնները:

Այսպէս ուրեմն, մեր վիպասանի համար թանկագին են


ժողովրդի սովորութիւնները և ժողովրդական կեանքը, իսկ վէպի հերոսը կարող է երկրորդական նշանակութիւն ունենալ, որովհետև «ախորժալուր առնելու» համար է սիրոյ պատմութիւն անում, ուրեմն «վիպական ձևի գոյութիւնը անհրաժեշտ է այն չափով, որքան նպաստում է սովորութիւնների նկարագրութեան»: Վիպասանութեան մասին այս խղճալի հայեացքը միայն առաջին մի քանի վէպերին յարմար է գալիս, որովհետև այս նեղ գծած սահմանում չէ մնացել. փոխելով աշխարհայեցողութիւնը, փոխել է, ըստ երևոյթին, և վիպասանութեան մասին ունեցած կարծիքը: Այս տեսակէտից նրա վիպագրութիւնը կարելի է երկու շրջանի բաժանել. մէկ այն շրջանը, երբ զբաղուել է Աշտարակով և երկրորդ՝ որտեղ արձագանք են գտել ժամանակակից մի քանի զէպքեր և գաղափարներ: Յամենայն զէպս կտրուկ բաժանում էլ չի կարելի անել, որովհետև վիպասանը մինչև վերջն էլ վէպերի մէջ կամ առանձին զբոյնով նկարագրել է ժողովրդական կեանքի զանազան երևոյթներ:

Մի անգամ գաղափար կազմելով Պոռշեանի այսպիսի հայեացքի մասին, մեզ համար պարզուում է, թէ ինչպիսի դիրք բռնած պիտի լինի վէպի գեղարուեստականութեան և նրա մէջ գործող անձերի նկատմամբ: Պոռշեանը լինելով մասամբ իրականիսան (реализмъ) դպրոցի հետևող, ոչ թէ պիտակցաբար, այլ հանդամանքների բերմամբ, և ունենալով սուր զիտողութիւն, գիւղական համայնքից ընտրած հերոսներին նկարագրում է այնպէս, ինչպէս իրօք նրանք կան. նա չի էլ մտածում, որ հերոսը բնաւորութեան ամբողջութիւն, հոգեբանական զարգացում պիտի ունենայ, այլ ինչպէս իրականութեան մէջ են, որի շնորհիւ գլխաւորապէս երկրորդական բնաւորութիւնները ընկան են դուրս եկել: Կարդում ես Սօս և Վարդիթեր, Հացի խնդիր և այլն, առաջդ բացուում է նահապետական կեանքով ապրող հայ ընտանիք. նկարեում է ընթերցողի առաջ նրանց պարզ յարաբերութիւնները, իրար սիրելու և օգնելու տենչը, երիտասարդների չարածճի խաղերն ու խօսակցութիւնները: Դրա փոխարէն, երբ այս շինական կեանքում ապրողներից մէկին

Արքայ
173

նա ընտրել է վէպի հերոս և աշխատել է զանազանել միւս-
ներեց, ոյժ է տուել երևակայութեանը, բայց վերջինս
ստեղծագործական զօրութիւն չունենալով, կեղծութեան
մէջ է ձգել նրան:

Թէ է ի նկատի չառնենք «Սօս և Վարդիթերի» փոքրիկ
անընական տեսարանները, բաւական է յիշել այն անընա-
կան դրութիւնը: Երբ մէջ ընկել էին երկու սիրահարներ
ծնողներից բացասական որոշում ստանալուց յետոյ: Սօսը
ոտարբերիկ թափառում է ցրտաշունչ ձմեռուայ օրերին լիւ-
ներում: սառույցների վրայ է սահում, սառն ջրերի մէջ լու-
ղանում և ապա վայրի կենդանիների հետ կուռւմ: Թէպէտ
մահ է խնդրում, բայց էլի չի զլանում ձիւնի տակից խոտ
հանել իր թշուառ գոյութիւնը պահպանելու համար: Այս
բոլորը անհիւստ յետոյ Սօսի գոյնը չի փոխւում կամ առող-
ջութիւնը չի խանգարւում և միայն երկու շաբաթից յետոյ
Քարեգիւնի յորդորմամբ տուն է գալիս: Տանը, երբ լսում է
Վարդիթերի մահը, խորը հոգւոց է քաշում և խնդրում է
Քարեգիւնին «որ իրար կշտի թաղել տայ, իր մօր մխիթարէ,
ևղբարցը մնաս բարով ասէ, ինքն ուրախ կենայ», յետոյ
աչքերը վերև է բարձրացնում, աղօթք անում և հոգին ա-
ւանդում (?): Վարդիթերը մեռնելիս նոյնպէս Սօսի ցանկու-
թիւնն է յայտնում: Անընակութիւնը ակներև է, որովհետև
Սօսը և Վարդիթերը կաթուածահար չեն եղել, նոքա թէ
մտածում, թէ տեսնում, լսում են և թէ կանոնաւոր դատո-
ղութիւնն ունին. (հմմտ. Հ. Գր. և Պոմ.) այս կերպ իս-
կոյն անհասկանալի է լինում երևակայութեան ոյժով ստեղ-
ծած շինծու զէպքերը: Շողիկը (Բղզէի մէջ) մի գիւղացի
աղջիկ, դեռ չպսակուած, այնքան համարձակ է գտնւում, որ
զէն է շարտում ամօթխածութիւնը, կոխտտում է հնաւանդ
սովորութիւնները և մօր ձեռքից փախչում է հիւանդ պառ-
կած նշանածին տեսնելու համար. դեռ սա բաւական չէ,
նոյն Շողիկը խնդրում է հիւանդին շրջապատող կանանց
հեռանալու, որպէսզի մենակ մնայ նշանածի մօտ, և նոյն
խոկ բարձր ձայնով իր սէրն է յայտնում ու վերջին համ-
բոյրով մահուան կնիքը զրօշմում ամուսնու ձակատին:



Միևնոյն Շողիկը կեկղեցում պսակուելիս, քանանայի հարցին՝ «որդեակ իմ, մինչև ՚ի մահ հնազանդ ես», գիւղական աղջիկը չի բաւականանում գլխի բացասական շարժման պատասխանով, այլ անարգանք ու խայտառակութիւն է թափում նորապսակի գլխին հօր և առաջին նշանածի մահուն պատճառ բռնելով. աղջիկը իր երկար ատենաբանութիւնից (?) յետոյ ձգում է երեսի քօղը, փախչում, բարձրանում է մատուռի պարիսպը և այնտեղից ընկնում սրածայր քարերի վրայ: Եւ այս բոլոր ստեղծագործութիւնը, անշուշտ, նրա համար է, որ Բղդէին բերէր մատուռ ուխտադրութեան հետեանքը ցոյց տար, սուրբի աղղեցութիւնը յայտնի անէր: Վերջին գրուածքի «Յունօնի» մէջ՝ աւագակ Նազօն ընթերցողին անյայտ պատճառներից փոխում է իր ընթացքը. և հոգեբանական այդ փոփոխութիւնը վիպասանն ուզեցել է արտայայտել մի երկար մենախօսութեան մէջ. Նազօն նստած է մի քարի վրայ, իսկ ոտքերի մօտ ճանապարհորդը, որը լսում է Նազօյի մենախօսութիւնը (302—316 էջ): Հետաքրքիրն այն է, որ Նազօն չի նկատում ճանապարհորդին: Ա՛յդքան էլ համբերութիւն, ա՛յդքան էլ միամտութիւն... Անբնական է և այն տեսարանը, երբ Ներսէսը (Կռուածաղիկ) նշանածի ձեռքից բռնած գնում է պսակուելու, յանկարծ սառնութեամբ հրաժարուում է հարսից և մեծ յօժարութեամբ Վարդին տալիս և այլն և այլն:

Այսպիսի շատ անբնական գործողութիւններ և տեսարաններ գլխաւոր գործող անձերի կեղծութիւնը ակնյայտնի են դարձնում: Շինծու կեղծ բնաւորութիւններ են Պոռշեանի պատմական ումանները, եթէ կարելի է իսկապէս պատմական անունը տալ հերոսները:

Պոռշեանի պատմական վիպասանութիւնները՝ Կռուածաղիկ, Շահէն, առաջ են եկել նոյնպէս Արովեանի աղղեցութեամբ, որովհետև Վէրք Հայաստանին ինքն ըստ ինքեան պատմական բնաւորութիւն էլ ունի, որով անմահացրած ենք տեսնում նշանաւոր ժամանակակից պատմական գէպը՝ Ռուսաց յաղթանակը պարսիկների վրայ: Նոյն ժամանակից է առնում Պոռշեանը իր նիւթը, միայն այն տար-

բերութեամբ, որ Արտփեանցի երեակայութեամբ ընտրած հերոսը ներկայացուցիչ էր Ռուսաց հովանաւորութեան տակ մասնելու ջերմ փափագողների, իսկ Պռօշեանը պատերազմի մէջ մասնակցող հերոսին՝ Ներսիսին: (Հմմտ. Մուրճ): Ը

Պատմական ոտմանը, իսկապէս առջ եկաւ 19-րդ դարու սկզբում ոտմանտիկ դպրոցի ազդեցութեամբ: Մի տեսակ սէր է գարթնում Եւրոպայում վերադառնալ գէպի միջնադարը, ուսումնասիրել անցեալը որքան կարելի է ճշտութեամբ. բայց ինչքան էլ աշխատում էին հոգով ու մտքով սրանալ գէպի անցեալը, թաղուել հնութեան մէջ և իսկականը նկարագրել, չէր յաջողւում, որովհետեւ ներկայի ազդեցութիւնից խուսափել չէին կարողանում: Միայն անպլիացի ոտմանիստ վալտեր Սկոտտը պատմական վէպի իսկական ներկայացուցիչը եղաւ, որը միջնադարը ներկայացրեց այնքան պարզ, որքան ներկան: Նա իր առանձնասենեակը աշխատում էր գարդարել միջնադարեան ձևով, միջնադարեան իրերով, իր ամբողջ էութեամբ թափանցում էր անցեալը և ըստ կարելուոյն աշխատում էր իսկականին մօտենալ, ուստի «Վ. Սկոտտի պատմական տիպերը բոլորովին տաքարիւն, զգայուն, կենդանի, հոգեբանօրէն ճշմարիտ են. իսկ նրանց կեանքի հանգամանքները ստեղծում էր ինքը բանաստեղծական զուարճութեամբ, օգտուելով կեանքի անհամար երևոյթներից»: Ռոմանտիզմի ծնունդ այս վիպասանը պահել է շղօլայի որոշ յատկութիւնները՝ նախ՝ տեղական զոյն՝ մի առանձնայատկութիւն, երբ երևան է գալիս երկու ազգեր իրար հետ համեմատելիս, այսինքն բանաստեղծն այնպէս է գրում, որ ընթերցողը իմանում է ինչ ազգից վերցրած լինելը: Ինչպէս իւրաքանչիւր անհատի մէջ անխառն շաղախ են կազմում անհատական, ազգային և հանրամարդկային կողմերը, այնպէս էլ անբաժան պիտի լինեն և արուեստի մէջ: Երկրորդ՝ ժամանակի գոյն, այսինքն բանաստեղծը աշխատելու է տարբեր ժամանակները, ուրիշ տարբեր սերունդների ներքին և արտաքին յատկութիւնները դանազանել, այսինքն ամեն մի սերունդ իր ժամանակի ոգուն համապատասխան պիտի ներկայացուի: Այս

տեսակէտից մեր վիպասանները բաւական խեղճ են: Վեր-
ցնենք օրինակ Րաֆֆուն, որը ամենախրուած վիպասանն
էր, նրա Դաւիթ բէզը և Սամուէլը ամեն բանով իրար ժամա-
նակակից են, չնայած որ մէկն ազրիկ է 18-րդ դարում, իսկ
միւսը 4-րդ դարում, այս դեռ բաւական չէ, այդ հերոսները
իրենց մտածողութեամբ, իրենց գործունէութեամբ հեղի-
նակին իրեն ժամանակակից են, ուրեմն 19-րդ դարու կեան-
քի համապատասխան հերոսներ են:

Աւելի վատ է արել Պոռշեանը. մեր վիպասանի պատ-
մական տիպերը իսկականի ստուերն անգամ չեն կազմում.
այստեղ պահուած են միայն անունները և այն աւանդու-
թիւնները, որ մնացել են այլքան մօտ ժամանակից:
Կառնածափի վրէժնորդի ինչո՞ք յայտնաբերում է:
ցանկացել է «սրանից սր դար յառաջ բազմե հայրենիքում»
մեծ մարդկանց յիշատակներն անմահացնել, որոնց մէջ
գլխաւոր տեղերից մինն անպատճառ պատկանելու է Հայոց
ազգի գլուխ երջանկայիշատակ Ներսէս Ե. հայրենակից Աշ-
տարակիցի կաթողիկոսի մանկական անմեղ տարիներին»:
Իբրև ազբիւր ծառայել են Սիմէօն կաթողիկոսի աշխատու-
թիւնները և Ներսիսի գրութիւնները, որ ձեռք է բերել
Յարութիւն Շահագրիգեանցի շնորհիւ, «իսկ անսպառելի ազ-
բիւր ինձ եղել են ի մանկութենէ մինչև վերջին տարի-
ներս Աշտարակի՝ իմ ծննդեան տեղի ձերունիներից լսած-
ներս, որոնցից շատերը խորին ձերութեան հասած՝ ականա-
տես են եղել շատ իրողութիւններին: Ինչ կարծիք, որ
վիպասանութեան պայմանին համաձայն թող տուած է նոր
արկածներ: Ժամանակագրական ճշտութեանը ևս չեմ ուզե-
ցել և չէի էլ կարող անաշտոտապէս հետեւել: Ներսիսի ծընն-
դեան տարիքը մինչև այսօր էլ պատմաբանական փաստերն
անգամ տկարանում են իսկապէս հաստատել: Մանկական
յիշողութեանս մէջ տպուածներն այսօր հայ ընթերցասէր
դասին եմ նուիրում:» «Յարաջարան. հմտ. Կռուած. էջ 333):

Թէպէտ պատմական գէմբերը հեռու չեն վիպասանից,
այնուամենայնիւ իրէպարացրած են անբնականութեան չափ:
Վիպասանը ժողովրդի չափազանցրած աւանդութիւններին և

գրոյցներին քննադատութեամբ չէ վերաբերուել, ուստի ընկել է կեղծութեան մէջ: Հերակլ թագաւորը, Սիմէօն կաթողիկոսը երկնքից իջած ազատարար հրեշտակներ են և բարի են դէպի իրենց ստորագրեալները կամ հարեան ազգերը: Սօսում են փոքրերի հետ մեծ հաճութեամբ և նոյն իսկ խորհուրդներ հարցնում: Մանուկ ներսէսը, որը ամենից շատ է զբաղեցրել վիպասանին, կաթողիկոսութեան ժամանակուայ գործունէութիւնը իր մէջ ամփոփող վառվռուն պատանի է ներկայանում. նա աչքի է ընկնում իր հանճարով, խօսում է այնպիսի բաների մասին, որ հաւատալու ոչ մի հնար չկայ. օր. ութ տարեկան ներսէսը Հերակլ թագաւորի առաջ (երբ վերջինս Աշտարակումն էր) քաղաքապետութիւնից է խօսում, ապաղայ գործունէութեան համար ճշտագրութեան պատրաստում: Երբ որ Երեւանի քաղաքի քաղաքապետ Սեյտիյան, հաճախօրէն քաղաքապետ մանուկը, որ ձգտում է մեծ լաւներ, գրեզու ոչ մի աչքի ընկնող գործունէութիւն չէ ցոյց տալիս:

Անկենդան են Շահէնի միջի պատմական անձնաւորութիւնները, որոնք ընթերցողի առաջ պարզ չեն ներկայանում, այլ զբանց անունների տակ առաջ է բերուած բոլոր լսած աւանդութիւնները: Պատկերիչը քաղաքագէտ զօրավար է երևում. տեսնելով հայերի սիրալիր ընդունելութիւնը Պարսկաստանում, օգտուում է հանգամանքից և գաղթելու համար նախապատրաստում. հրաւիրում է յատկապէս այդ նպատակը իրագործելու համար հրամանատարի պաշտօնով գնդապետ Լազարեանին և սրա միջոցով ի կատար ածում այն քաղաքականութիւնը, որ Պետրոս մեծից սկսած Ռուսաց կայսրների համար անհրաժեշտ պահանջ էր դարձել — աշխատաւոր հային գաղթեցնել և խառնել ուսանների հետ, որպէսզի հայն իր ետանդով և աշխարհաշինութեամբ օրինակ լինի: Այս հասարակ պատմութիւնը ժամանակ չի կարող պատկերացնել և կամ այս ակամայից հանդէս եկած պատմական հերոսները ոչ թէ ոգի առած կենդանացրել են անցեալը, այլ իրենց շուրջ են ժողովել աւանդութիւնների մի կոյտ: Եւ եթէ միւս գրուածները ժողովրդական սովորութիւնների շտեմարան են, պատմական վէպերը պատ-

մական աւանդութիւնների ամբար են, ինչպէս պ. Քարամեանն է նկատել, որ վէպին աւելի ֆրասել են, քան թէ ճօխացրել:

Միւս ոչ պատմական դէմքերը թէ այս և թէ միւս վէպերում անհամեմատ բարձր են և բոլորին կարելի է երկու խմբի բաժանել. բարի, ազնիւ և զրա հակառակ՝ չար, մատնիչ, ազգագործան, և իւրաքսնչիւր վէպում հակադրութեամբ հանած են այս բնաւորութիւնները, խիստ հետեղական լինելով Զօրասարի գուալիզմ վարդապետութեան: Սակայն առաջի տեսակի բնաւորութիւնները այնքան էլ պարզ և որոշ չեն, որքան բացասական տիպերը. այս հանգամանքը նրանով գուցէ բացատրուի, որ մեր կեանքի մէջ, աւելի շուտ վիպասանի շրջանում պակասում էին կամքի ոյժով, քաջութեամբ և զրական կողմերով գործող անհատներ. Պոռչեանը իբրև իրականութիւնը արձանագրող, եղածը պիտի մեկ տար, իսկ իրականութեան մէջ բացակայում էին այդպիսի գէմքեր. ինքը վիպասան էլ չի կարողացել իր թոյլ երևակայութեամբ ստեղծել, ուստի բացասական տիպեր մեծ չափով են հանդէս եկել: Բացասական բնաւորութիւնների շարքում, կարծես դիտմամբ, զիւղական քահանաները աւելի զղուկի և խղճալի են նկարուած, քան աշխարհականները, իրենց հասկանալի պատճառով...

Բնաւորութիւնները առաքինի կամ արատաւոր լինելով, անբնական են թւում հոգեբանական տեսակէտից. շատ բջերի մէջ երկրորդ կողմը թոյլ կերպով մէջ է բերած: Առհասարակ հերոսները խորը հոգեբանութիւն չունին, որովհետև հեղինակը անզօր է եղել մտնելու մարդկանց ներսը, քննելու նրանց սրտերը: Հերոսները համարեա չունեն կրիտիքական վայրկեաններ և սրա գլխաւոր պատճառը այն է, որ գործող անձերի բնաւորութեան զանազան գծերի դարգացումը երևոյթներով չէ պարզած. օր. նրա հերոսը համեստ է, քաջ, խելօք, շնորհալի, եկեղեցասէր և այլն, և այս բոլորը իմանում ենք հեղինակի պատմածից և ոչ թէ մենք ենք հզրակայնում,

Այս տեսակէտից Ղևոնդի բնաւորութիւնը (Կուսածաղիկ) քիչ շատ հետաքրքրութիւն է զարթեցնում, որովհետև

մասամբ հետու է միակողմանիութիւնից: Առնողը մանկութիւնից չար բնաւորութիւն ունի. հայրը գուշակում էր, որ սրբին շատերի համար թշուառութեան պատճառ պիտի լինի, և իսկապէս Առնողը ամբողջ Աշտարակի համար իբրև պատիժ էր ծնուել: Բայց նրա մէջ մեծած չեն հայրական և ամուսնական զգացումները. երբ գիւղը վաղթեցնելու նպատակով կնոջը ստիպում էր փախչել մօտիկ թուրք գիւղը սարվազների անգթութիւնից ազատուելու համար, կինը աղաչում, պաղատում է, որ թողնէ իր շար մտադրութիւնը և չգաղթեցնէ խեղճ գիւղացիներին: Սկզբում Առնողը կնոջ թախանձանքից ամենևին չի ազդուում, բայց յետոյ երբ տեսնում է ճշող նորածին մանկան ընկած անշնչացած կնոջ մարմնի վրայ, արձանանում է և քարացած սիրաբ զգում է «որ իր պատիւն օտար պարսիկների առաջին անվայել ընկած է, որ կանացի պատկառանքն ինքը ոտքի տակ է տուել», զղջում է իր արածի վրայ, թողնում է գաղթեցընելու գիտաւորութիւնը և հեկեկանքով սիրաբ թեթեւացնում, որպէս յանցագործ՝ ազօթքներ մըմնջալուց յետոյ. նոյնպէս, երբ տեսնում է, որ միակ աղջիկը խորշում է իրենից, հայրական գգուանքներին արհամարհանքով է պատասխանում, ցնցւում է նա, և գէմքի վրայ նկատուում է նեղքին կուռի պատկերը՝ փոփոխելով կամաց-կամաց զղջման արտայայտութեան: Սակայն ցնցումները բոլորական են, որ առաջանում են խղճի խայթից: Երբ սարգարի քաղցը աչքից ընկնում է և անգթաբար ճիւղտների հարուածներ ստանում, նորից բորբոքւում է նրա մէջ անիրաւութեան զգացումը, երևան է գալիս առ ժամանակ մոտացութեան մատնուած մատնչութեան և քսութեան եռանդը, որից յետոյ խօսք է տալիս աւելի մեծ չափով շարունակելու իր չարագոծութիւնները:

Սրանից վատթար է Տէր-Միկիքսէթը, որը «ի բնուստ ճիղոբիթ էր ծնուել» անպատկառութեան մէջ մրցում է Առնողի հետ և ոչ մի արտաքին հանգամանք ճնշող տպաւորութիւն չի գործում նրա վրայ: Նրա ծնկները չեն կոտորուում կամ ձեռքերը չեն քարանում եկեղեցում ծնրա-

դրած ու բազկատարած աղօթելիս ի ցոյց ժողովրդեան, կամ
ամօթի ու պատկառանքի ճնշում չէ գրում, երբ մեչիգում
մոլլանների հետ երեսը դէպի հարաւ շրթունքները շար-
ժում է ի նշան հաւատարմութեան: Կեղծաւորութեամբ և
մատնութեամբ բարոյապէս մեղցրել էր ոչ միայն Աշտարակը,
այլ և ամբողջ շրջակայքը և նոյն իսկ Էջմիածնի միաբա-
նութիւնը՝ «մի խօսքով նա ժանդախտ էր աշտարակցիների
համար, որից ամենքը խորշում էին, որից զդուելու ամեն
մինը իրաւունք ունէր (Կոռւածաղիկ 90): Սաքօն (Հացի
խնդիր), ցեցապետ Բալասանը, Տէր Գասպարը (Ցեցեր),
Տէր Սիւքասը (Սկիզբն երկանց), Ֆարմասոն բէզը (Աքցիզ-
ի) և այլն և այլն, այս տիպի մարդիկ են և տարբերում
են միմեանցից իրենց գործունէութեամբ. մէկը բնակալ է,
միւսը վաշխառու, մէկը աւազակ, միւսը սատանայ, մէկը
բարոյապէս է մաշում գիւղացուն, միւսը Ֆիզիքապէս ճնշում:

Սրանց հակառակ բարոյական բնաւորութեամբ տիպերը,
հատարեա, անդոյն են: Գէորգ խալֆէն (Կոռւածաղիկ) նա-
հապետական մարդ է, խաղաղասէր, բարի և ունեւոր է, այս
յատկութիւնների շնորհիւ գիւղում առաջին մարդն է գար-
ձել և վայելում է մեծի ու փոքրի համակրանքը: Գէորգ
խալֆէն որդի չունի, բայց բոլոր գիւղացոց հայրութիւն է
անում, բոլորի ցաւերին դարձան անում և հաւասարապէս
պատկառանք է ազգում թէ համագիւղացիների, պարսիկների
և թէ պաշտօնիւնների, գործակալների, տէրաէրների վրայ:

Այսպէս է և տէր Յարութիւնը, որ քիչ թէ շատ սի-
րելի է գարձել ժողովրդին իր մաքուր կենցաղով. սա ա-
շակերտներ է հաւաքում և իր զխոցածը սովորեցնում, «որ
ոչ լուիցէ ունկամբ, լուիցէ թիկամբ» սկզբունքով: Այս
կարգի հերոսների մէջ Շահէնը աչքի է ընկնում որպէս
հաւատարիմ ըմբիշ, աղքատների խնամող, հայրենասէր:
Այսպիսի բնաւորութիւններ են Ասքանազեան, Միւլքիսեղեկ-
եան (Սկիզբն երկանց), Միսակ (Ցեցեր) և այլն:

Այսպիսով Պոռշեանի հանած բնաւորութիւնները տի-
պեր չեն կարող լինել մեր գրականութեան մէջ. գլխաւո-
րապէս այն պատճառով, որ նրանք միակողմանի են և ա-

ունց հոգեբանութեան և որ բնաւորութեան գծերի խտացում չկայ: Հեղինակը չի էլ աշխատել այդպիսի տիպեր արտադրելու, այլ նկարել է, երբեմն անշնորհ կերպով, իր ծանօթին, իր տեսածին: Բացասական բնաւորութիւնները համեմատաբար աւելի պայծառ են և խոշարացոյցով մեծացրած են երևում մեզ, իսկ հակառակ բնաւորութիւնները կիսատ և անդոյն են: Բայց թէ այս բնաւորութիւնները և իր երկրորդականները, որ աւելի յաջող են փոփոխութեան չենթարկուելու պատճառով, ժամօնակի ընթացքում, այս գաւառի քաղաքակրթական պատմութիւնը գրելիս, անշուշտ, պիտի մեծ նշանակութիւն ունենան որպէ՛ս որոշ շրջանի կեանքի կենդանի ներկայացուցիչներ:

Գործող անձանց անկենդանութիւնը ազդել է և վէպերի վրայ, զրկել տալով կենդանութիւնից և հետաքրքրութիւնից: Պոռչեանի վէպերում ոչ գործողութիւններն են բնաւորութիւններ յուսալացնում և ոչ էլ բնաւորութիւնները գործողութիւններ: Վէպերը մեծ մասամբ պատկերների հաւաքածու են ներկայացնում: Իւրաքանչիւր ընթերցող կարող է վկայել, որ ընդհանրապէս վէպերի մէջ ամեն մի զլուխ առանձին-առանձին վերցրած, մանաւանդ ժողովրդական բարբառով գրուած, կենդանութիւն ունի, կարծես թէ այդ զլուխները բնութիւնից են պոկուած: Պոռչեանն իսկապէս նկարիչ է և լուսանկարչութեամբ հանել է Աշտարակի բնութեան մի որոշ շրջանի տեսարանները: Բայց այս զեռ բաւական չէ, այս յաջողութիւնը զեռ գրաւական չէ, որ վէպերը ընդունուեն իրրե կեղարուեստական ստեղծագործութիւններ, որովհետեւ բաւական չեն հասարակ լուսանկարչութեամբ հանած մասեր, այլ և անհրաժեշտ են մասերի յարաբերութիւն, միութիւն, ամբողջութիւն ներշնչուած ոգևորութեամբ, գրողի ոգին, անհատակութիւն և այլն: Ըստ Ֆրանսիացի հռչակաւոր քննադատ Տէնի գեղարուեստական երկի նպատակը պիտի լինի «աւելի պարզ և աւելի լրիւ բացայայտել մի որևէ էական կամ աչքի ընկնող բնաւորութիւն և հետեւաբար մի որևէ գաղափար՝ քան այդ անում են իրական առարկաները: Նա այդ նպատակին հաս-

նում է, գործ դնելով մի որևէ ամբողջութիւն կապակցուած մասերի, որոնց յարաբերութիւնները սխտեմարար փոխուում են...» (գեղարուեստի փիլիսոփաութիւն), բայց այս, ի հարկէ, մեր վիպասանի համար չէ ասուած: Գեղարուեստական երկը մի ամբողջութիւն պիտի ներկայացնէ առանց որևէ չնչին աւելորդարանութեան, նոյն իսկ երկրորդական գէպքերը իրենց որոշ նշանակութիւնը պիտի ունենան և պարզարանող գեր պիտի կատարեն զլիսաւոր իմաստի նկատմամբ, և զբանց բացակայութեան ժամանակ ամբողջութիւնը անպատճառ մի կորուստ պիտի ունենայ: Եթէ մարդու մարմնի երկրորդական կոչուած մասերը անդամահատենք, նա ոչ միայն կտգեղանայ, այլ նոյն իսկ գոյութիւնը վտանգի կենթարկուի: Այդպէս էլ գեղարուեստական երկը պիտի լինի, մինչդեռ Պսոշեանի վէպերը արժանաւորութիւն կունենան այն ժամանակ, երբ մկրտող վերցնես և անխնայ այստեղից այնտեղից թերթեր խուզես: Այս բոլոր թերութիւնները նրանից է, որ նախ՝ մեր վիպասանի միջակ տաղանդը չէ զարգացած և երկրորդ՝ ինչպէս երևում է, գեղարուեստի մասին վերին աստիճանի սահմանափակ տեղեկութիւն է ունեցել:

Վէպը շատ տեղ դարձրել է հէքիաթ լիքը ընդմիջումներով և գիմումներով. երբեմն ընթերցողից խնդրում է թողնել պատմութեան թելը և ուշադրութիւն դարձնել այս կամ այն կէտի վրայ, կամ հէքիաթաման ձևով է հերոսին մէջ բերում. «Ինչպէս եղաւ, որտեղից եկաւ, աւելորդ է ասել, մի օրից մի օր գտանք Շահէնին...» Որտեղ գործողութիւն է հարկաւոր, պատմում է և ընդհակառակը, փոխանակ մի երկու նախադասութեամբ վերջացնելու, կողմնակի մարդկանց խօսակցութիւնն է մէջ բերում և մեծ ձանձրոյթ առաջացնում. օր. «հարցասիրական է լսել Աշտարակցի երկու պառաւի խօսակցութիւնը...» (Բզզէ 149) և երկար ու բարակ այդ խեղճ պառաւներին խօսեցնել է տալիս: Այս պատճառով վէպերի մէջ աւելորդ մասեր և շատախօսութիւններ շատ շատ են, ոչ միայն պարբերութիւններ կամ երեսներ, այլ և զլուխներ կարիլի է կրճա-

տիւն և վէպի ամբողջութիւնը երբէք չի վնասուի: Կոուսածաղիկի մէջ «Ս. կիւրակէ» վերնագրի տակ խօսում է աւերակներին, մատուռներին, խաչքարներին և այլն մասին, բոլորովին անկապ, ի հարկէ, վերջն էլ աւելացնում է «այստեղ ընթերցող, ևս երեսս խաչակնքեցի, դու էլ ինձ հետեիր»։ Տրաշալի վիպասանութիւն և տիրացու ազգի բոլորովին համապատասխան մի վիպագիր... Սօս և Վարդիթերի մէջ թաղման նկարագրութիւն, ուխտագնացութիւն, թուրքերի գողութիւն, նշանտրէք, հարսանիք և այլն, բոլորն էլ շատ թոյլ կերպով կապուած են, աւելի շուտ, ի դո՛ւր տեղը մէջ բերուած: Սոյն պիտի մի խոյտարզէտ տեսարան է ներկայացնում Շահէնը, մի խառնափնդոր խանութի է նման այս վէպը, որ տեղ ամեն ինչ անկարգ կերպով դասաւորուած է. միջադէպեր, որքան ցանկանաք. գաղթականութիւն, Թաղիադեանի մի նամակը,*) Արմաւիրացիների ներսէս կաթուղիկոսին ուղղած մի խղիւղագիր, ուսանողութիւն, խաչագողութիւն, և ընթերցողը ակամայից դալիս է այն եզրակացութեան, որ վիպասանը գլխաւոր ուշադրութիւնը դարձրել է ոչ թէ վէպ գրելու վրայ, այլ ուղեցել է իւարջնէլ այն բոլորը, ինչ որ լսել է վերոյիշեալ նիւթերի մասին:

Շատ մասերում էլ վէպի մէջ հրապարակախօսական յօդուածներ է մտցրել և որևէ ժամանակակից խնդիր իր հասկացողութեամբ պատճառարանել, այսպէս օրինակ՝ աշխատել է արդարացնել Ներսիսի աջակցութիւնը գաղթականութեան խնդրում (Շահէն), ուրիշ տեղ Շահէնի ջատագովութիւնն է անում, պարզում թշնամիների դէպի նրան ունեցած վերաբերմունքը և իր ցանն արտայայտում, Սահմանադրութիւնն է փառարանում (Սկիզբն երկանց): Նկարագրելով Աշտարակի կամ շրջակայքի բնութիւնը, (Կոուսածաղիկ) իր անբաւականութիւնն է յայտնում, որ որևէ

*) Ինչ պարծենում էլ է, որ այս նամակը ձեռք է բերել և իբրև աղագայում մատենագրութեան համար նշանակութիւն ունեցող գործ գնահատուած է, ուրեմն վէպը ուղեցել է մատենագրական ժողովածու դարձնել: Բայց հետաքրքիրն այն է, որ այս նամակը ստացել է վէպը գրելուց յետոյ:

նկարիչ չէ անմահացրել այդ հրաշալիքները, մեկազրոււմ է Այվազովսկուն, որ չէ հետաքրքրուել երկրի այս սքանչելի տեսարաններով և այլն: Իբրև ազգասէր հրատարակախօս զգացոււմ է և չի ուզում երկարացնել ասելիքը, վախենալով, որ ընթերցողը կարտասուել դառնութիւն լսելիս: Կուսածաղիկի մէջ (էջ 333) մի տեղ վէպի թելը կտրոււմ է ընթերցողին յայտնելու համար, թէ այս նկարագրած գէպերը կամ սովորոյթները տասն է պատմել և փոստոււմ է, որ շատ բան մոռացել է զբի չառնելու պատճառով (Բզզէ 113)՝ և կամ գիւղական սովորութիւնների նկարագրութեան անհրաժեշտութիւնն է ուզում ապացուցանել, մի բան, որ եթէ շատ մեծ անհրաժեշտութիւն է զգացուել, կարելի էր յառաջարանի կամ ծանօթութեան մէջ դնել:

Ուրեմն այս և սրա նման թերութիւններ առաջացել են գլխաւորապէս վիպասանի ստեղծագործող ոյժ չունենալուց, գեղարուեստի մասին թիւր կարծիք ունենալուց և մասնաւորապէս նրա աննոգութիւնից, որովհետև շատ յաճախ տեսնում ենք մեղանչած պատմութեան եղանակին. հերոսների մէկի բերանով մի բան պատմելու ժամանակ միջամտում է բոլորովին անտեղի կերպով և սկսում է ինքը պատմել, մոռանալով մի ըտպէ, որ խօսողը ուրիշ է, միւս կողմից էլ «սիրելի ընթերցող» գիմուճներով համեմել է վէպերը: Վէպերի անյաջողութեան պատճառներից մէկն էլ այն է, որ առհասարակ մեր «մեծ» գեղարուեստագէտ բանաստեղծները չեն բարհաճում իրենց գրածները մի երկու անգամ փոփոխելուց յետոյ հրատարակել: Տօլստոյի պէս հանճարեղ գրողը «Война и миръ» աճազին դիւցադնեղութիւնը հօթն անգամ գրել, փոփոխել և յետոյ միայն ցանկութիւն է յայտնել ապագել տալու. այդպէս են արել և անում են միւս նշանաւոր գրողները: Հաւատացած ենք, որ Պոռչեանը, ինչպէս անում էր Բաֆֆին,*) մի անգամից ամեն բան արել վերջացրել է, իսկ յիշատակարաններից տեղեկութիւններ հաւաքել և մի քիչ ոյժ տալով երևակայութեանը,

*) Տես հօրիզոն:

կապկպիւլ այդ դէպքերը և տալ հասարակութեան, ոչ քաջութիւն է և ոչ էլ բարեխղճութիւն վիպասանի կողմից:

Այսպիսով Պոսշեանի վէպերը ներքին և արտաքին կողմից շատ թերութիւններ ունենալու և անմշակ լինելու համար, կարող ենք ասել, որ գեղարուեստի և տեխնիկայի տեսակէտից շատ թոյլ են, չնայած այն յաջողութեան, որ վիպասանը ունեցել է բնութիւնը արտանկարելու մէջ:

Գ.

19-րդ դարու երկրորդ կիսում Եւրոպայի ազդեցութեամբ մեր ունեցած կեանքի համառօտ բնութագիրը.—Վիպասանի բռնած դիրքը այդ երեոյթիների նկատմամբ.—հայրենասիրութիւն, ինքնապաշտպանութեան և ինքնաճանաչութեան գաղափարներ.—Հոգևորականների ազդեցութիւն.—գիւղական ցեղապետներ.—Հին և նոր սերունդի մտքաուսմը.—Եզրակացութիւն:

19-րդ դարու երկրորդ կիսից սկսած, ինչպէս տեսանք, մեզ համար մի նոր շրջան է սկսուում: Յեղաշրջուելով միանգամայն մեր աշխարհայեցողութիւնը, յեղաշրջուում է և մեր լճացած կեանքը:

Նապօլէոն մեծի պատերազմների, Իտալիայում ազատութեան ոգով ներշնչուած Գարիբալդիի արշաւանքները, Բալկանեան թերակղզու վրայ փոքրիկ ազգութիւնների անկախութեան ձգտումները և այլ քաղաքական հանգամանքներ վերածնում են 19-րդ դարու հայրենասիրական գաղափարը իր վեհ բնաւորութեամբ: Այս բարերար ազդեցութիւնից անմասն չմնաց և հայ ազգը. հայն ևս գլուխ բարձրացրեց, եղած անկարգութիւններին և ճնշումներին վերջ դնելու համար իրաւունքներ պահանջեց և ցանկացաւ ապրել իբրև առանձին մարմին իր առանձին գլխով: Այս ոգևորութեան հետևանքը լինում է 1860 թ. արևմտեան հայերին շնորհուած Սահմանադրութիւնը:

Միւս կողմից Կիլիկիայի բարձրութիւնների վրայ ապրող մի փոքրիկ, բայց եռանդոտ ու ուկերող բուն ժողովուրդ աշխատում էր քաջութեամբ իրեն անկախութիւնը

անխախտ պահել, ուստի և 1862 թ. տեղի է ունենում այն մեծ արիւնհեղութիւնը, որ նոյն իսկ Եւրոպական հեռաւոր երկրներում արձագանք գտաւ: Այս ապստամբութեամբ մեր մէջ ծագեցաւ հայրենիքի պաշտպանութեան գաղափարը, որ մինչև այդ, կարելի է ասել, չկար այդ բնաւորութեամբ: Այնուհետև ծանրակշիւ նշանակութիւն ունեցող երևոյթներ տեղի ունեցան իրար յետեից: Ռուս տաճկական պատերազմը, Սան Ստեֆանոյի դաշնադրութիւնը, որի 16-րդ յօդուածը մեզ էր վերաբերում, ապա Վարժապետեանի ջանքերով Բերլինի վեհաժողովում տաճկահայոց խնդրի խորհրդակցութեան նիւթ դառնալը և 61-րդ յօդուածի խմբագրութիւնը առաջ բերին մեծ ոգևորութիւն և երազանք, որ իրենց ազգեցութիւն են ունենում գրականութեան վրայ:

19-րդ դարը ուրիշ շարժում էլ է առաջ բերում. ընդհանրապէս նա լինելով հասարակական կեանքի, մտքի, գիտութեան և կրօնական հասկացողութիւնների մէջ մեծ յեղաշրջում առաջ բերող շրջան, իր փորձնական և պատմական գիտութեան արած հսկայական յառաջադիմութիւններով, մեծ շարժում առաջ բերեց լուսաւոր երկրներում, որտեղից էլ կայծակի արագութեամբ փոստային, հեռագրական յարմարութիւններ և այլ քաղաքական հանգամանքների շնորհիւ տարածուեց հեռաւոր վայրերում, խաւարի մէջ ապրող ֆիզիքապէս ու մտաւորապէս բռնութեան տակ հիւժուող ժողովրդների մէջ: Այդ նոր ճշմարտութիւնները լուսաւորում են և լուսաւորեցին մարդկային գիտակցութիւնը և ազատեցին նրան դարաւոր կաշկանդումից, փշրելով հին նախապաշարմունքների շղթաները: Այդ մըրքածուփ ժամանակում, մարդկութեան համար սուրբ և սիրելի գաղափարների ալիւտման ժամանակ, ազատութեան, եղբայրութեան և հաւասարութեան գաղափարների քարոզուող վայրերում սնուած հայազգի պատանիներ վերադառնում էին լաւագոյն տնայերով հայրենիք՝ սթափեցնելու խորը թմրութեան մէջ ընկղմուած հայրենակիցներին, տալով նրանց կեանքի նոր հասկացողութիւններ, նոր ճշմարտութիւններ, քարոզելով սոցիալական նոր պրոբլեմներ:

Եւ իզուր չանցան Փարիզի, Դօրպատի աւագաններում մկրտուածներին, հալ իղջօլօգների ջանքերը ու քարոզները. կարճ ժամանակում ուսում ու կրթութիւն տարածելու նպատակով կազմուեմ են ընկերութիւններ, բացուեմ են դպրոցներ, հաստատուեմ լրագիրներ, որով ուզում էին լեզու մշակել, ժողովուրդ կրթել: Այդպիսի եռանդուն գործունէութիւն բնականաբար առաջ բերեց կուսակցութիւններ, ուրիմն իրերի կամ խնդիրների մասին տարբեր հասկացողութիւն ունեցողներ, ապրով ամեն մէկն էլ իր աշխարհայեցողութեան պաշտպան և իր դգացմունքների թարգման տաղանդներ: Այնուհետև շարժումը քանի գնաց խորացաւ և հետզհետէ դասակարգային շահերի նախաձախնդրութեան վերլուծուեցաւ: Հին սերունդը իր օրհասական ճիգերն էր արձակում նախկին սրբազան աւանդը ամուր պահպանելու համար, կազմալուծող և հետզհետէ նշանակութիւնը կորցնող հողերականութիւնը ջանքեր էր թափում իւր գիրքում ամուր մնալու համար. միւս կողմից էլ անտեսական կեանքի կապիտալիստական կազմի պատճառով, նորահար միքենաների շնորհիւ քայքայման և ոչնչացման վտանգին ենթարկուած տեանելով՝ գլուխ է բարձրացնում բանւորական դասակարգը և մարդկօրէն ապրելու համար պահանջներ անում... Դժգոհ իր կեցութիւնից գլուխ է բարձրացնում և կինը, պահանջելով տղամարդկանց հաւասար իրաւունքներ... Եւ այս տարբեր ձգտումներով, տարբեր աշխարհայեցողութեան տէր սերունդը կենդանութիւն է մտցնում մեր կեանքի մէջ, քննութեան առնում ազգութիւն, կրօն, եկեղեցի, դպրոց և դրանց վարիչներին. բեմ են դուրս բերում ժողովրդի հարստահարիչներին, վաշխառուներին իրենց այլանդակութեամբ և հասարակական գործիչին, գիւղական անձնուէր վարժապետին իրենց արժանի գործունէութեամբ:

Բայց հայի անդորր կեանքը խանգարուեմ է, յառաջադիմութեան քարը գլորուեմ: Հայաստանի մեծ մասը թուրքերից բնաջինջ է լինում, հազարաւոր տղամարդիկ զոհուեմ են, մի կողմից այս հարստահարութեան դէմ կոչ է լինում, միւս կողմից էլ կիսակենդան հայերի գաղթն է

սկսւում դէպի աշխարհի զանազան կողմեր...

Այս աղէտալի հանգամանքներն են պատճառ, որ դարաւոր ստրկութեան մատնուած հայի մէջ առաջ են գալիս լալկան երգիչներ, որոնք երգում են ազգային թշուառութիւնը, ողբում դրութիւնը և խրախուսում ապագան: Բաֆֆիի վէպերի կենդրոնական միաքը, ոգևորող գաղափարը հայրենասիրութիւնն էր, նոյն այս գաղափարը յաճախ երգուել է քնարի վրայ (Գամառ Քաթիպա):

Ահա հարուստ երևակայութեան նիւթեր, որոնցից կորոզ է ոգևորուել և՛ պատմարանը և՛ հրապարակախօսը և՛ երգիչը և՛ վիպասանը:

Այժմ անսնենք, Պոօշեանն ինչ զիրք է բանել զէպի ժամանակակից այդ մխիթարական և անմխիթար երևոյթներն ու զէպերը:

Վիպասանը, որպէս տանջուած և ճնշուած ազգի գաւառի, բաց է անում ընթերցողի առաջ անցեալի տխուր տեսարաններ և ներկայի դրութիւնը սև բօզով ծածկում. «Ո՛ր աշխարհն այնքան խաղալիք է դարձել մրրկածուփ բաղդի ոխերիմ հարուածներին, որքան Հայոց աշխարհը. ո՞ր ազգն այնքան ցաւեր և նեղութիւններ է քաշել, ինչքան էս մեր ջրատար, ամենքի աչքի փուշ հայր...» այսպէս է գանգատուած կոյր բաղդի դէմ մեր վիպասանը: Հայրենասիրական զգացումը թելադրում է պարծանքով յիշել Արամներին, Տրգրաններին, Տրդատներին, որոնց ժամանակ հայ ազգի բաղդը ժպտում էր, նոյն զգացումը թելադրում է կոտորուած սրտով պատմել աննախանձելի կեանքը բարբարոս օտարների անզթութեան ժամանակ: Սարսափելի աղէտների յաճախակի կրկնութիւնները պատճառ են եղել, որ մեր երկրի փառքի վայրերը աւերակ են դարձել, փլուել են արձաններ և խանգարուել մատուռներ: Վիպասանը հիացած է Հայաստանի համար փառք ու պարծանք կազմող այս աւերակներով, էջմիածնով և բազմաթիւ սրբատեղիներով, նոյն իսկ բնութիւնը հրաշալի է այնչափ, որ վիպասանը հայ հովուի սրինգը չի փոխում Եւրոպական երաժշտութեան հետ, բայց ցաւում է «երբ դառն քրտինքով շինած յիշատակա-

րանները» անասունների բնակավայր են դարձել, դաղթահանութեան պատճառով ամայի են եղել շէն քաղաքներն ու գիւղերը. «արանք կորած ցրուածներն են, որ մեր սիրալ ծակեցին, յետ դառնանք տեսնենք, թէ հայրենիքի փուշն ուրիշ տեղերի վարդից գերազանց համարող չարքաշների դրութիւնն ինչպէս եղաւ (Կուլաձաղիկ 312): Այստեղ էլ տեսնում է նոյն վրդովմունքը, նոյն սրածութիւնը և արիւնհեղութիւնն է պատկերանում վիպասանի առաջ, և այդ բոլորը նրա համար, որովհետեւ հայի մէջ մեռած է ինքնաճանաչութեան և ինքնապաշտպանութեան ոգին: Հայը մեղաւոր է, որովհետեւ չի վստահանում քրդին կամ խաճնողին ոյժով դիմադրել, որովհետեւ անօրէն ցեղի հարուածներին սրով չէ պատասխանում:

Պոռեանը այս հարցը քննում և լուծումն է տալիս «Սիկդրն երկանց» վէպի մէջ: Վարպայ Վանքը և Ներսիսեան դպրոցը իրենց սանիկներով և առաջնորդներով սիկդր դրին այն երկունքին, որով հայ ազգը կէս դար առաջ բռնուած էր: Երկու դպրոցի ներկայացուցիչները՝ Ասքանազեան և Մելիքսեդեկեան Վանում իրար պատահելով, համաձայնութիւն են կայացնում ապագայ գործունէութեան համար՝ մանկ ժողովրդի մէջ, տեղակայութիւն կազմել, ուսումնասիրել և ինքնաճանաչութիւն առաջ բերել: Ասքանազեանը Վարպայում ստացել էր հայ ժողովրդին սիրելու տրամադրութիւն, ինքնաճանաչութիւն սերմանելու եռանդ և ժողովրդի ցաւերն ու վշտերն արձանագրելու համբերութիւն, իսկ Ղարաբաղի սարերում մեծացած և թիֆլիսում սնուած Մելիքսեդեկեանը ձեռք էր բերել անվեհերութիւն և ինքնապաշտպանութեան ոգի՝ «հայն եթէ գիր գիտենայ, նա կատարելապէս կըմբռնի իր նշանակութիւնը, հայն եթէ զէնք ունենայ և գործ ածելն իմանայ, քուրդը նրան հաւատարիմ շունը կըդառնայ»: Այս գաղափարով ոգևորուած երկու երիտասարդները նետում են գործունէութեան ասպարէզ սրանց հնարած միջոցները, անշուշտ, վիպասանին իրենն են, այնպէս որ այս երկուսի բերանով խօսում է ինքը հեղինակը, սակայն այս մի նոր յայտնութիւն չէ, որովհետեւ

Պոռոշեանից առաջ աւելի գեղեցիկ ձևով քարոզել են այդ գաղափարները Ռաֆֆին (Խենթ) և Գամառ Քաթիպան, որ հային ինքնաձանաչութիւն բերելու համար հարկաւոր է այբուբէնը, իսկ ինքնապաշտպանութեան համար՝ գինավարժութիւնը:

Պոռոշեանն անպայման անհրաժեշտութիւն ընդունելով ինքնապաշտպանութիւնն ու ինքնաձանաչութիւնը, պարզ է՝ որ պիտի հարուածէր ազգի այն առաջաւոր մարդկանց, որոնց ձեռքումն է գիտութեան բանալին և որոնց վրայ է բնկած ազգային ոգին կենդանի պահելու պարտականութիւնը, բայց զլանում են կատարելուց: Այդպիսի մարմին է օրինակ՝ հոգևորականութիւնը. ուստի ոչ միայն վարդապետների, քահանաների անգործունէութիւնը և կաշառակերութիւնն է մտրակում, այլ նաև վերին աստիճանի տգիտութիւնը: Տգիտութիւնը մերկացնելիս, վիպասանը գործ է դնում իր յատուկ իւմորը, որը որքան քնքուշութիւն, այնքան աւելի դառնութիւն և վիշտ է պարունակում: Օրինակ՝ քահանան իր բերանով խոստովանում է, որ երբեմն կարգակատարութեան ժամանակ, երբ նեղ տեղն է ընկնում, անգիր արած աւետարանը կամ սաղմոսն է ասում: Մուրհակ կարգալու ժամանակ առաջուց անունները իմանալով, սովորական դարձուածները արագ-արագ կարդում է, լայց միւս մասը թողնում է պարտապանին և պարտատիրոջ ասելով, որ երկուսն էլ «առնելացուկի և տալացուկի» հաշիւը գիտեն (Բղդէ): Շատ քահանաներ կարդալ-գրել չգիտեն: Վարդապետ գործակալի այլանդակ լեզուով գրած հրամանից ինչ սասես, որ մեր տգէտ տէրտէրը չի եզրակացնում. «պսակալոյձ առնել», տէրտէրը բացատրում է պսակը ուշացնել մինչև լոյս բացուելը (Հացի ինդեր), և երբ տգիտութիւնը պիտի պարզուէր օտարի ներկայութեամբ, ամօթն ու պատկառանքը չքանում են տէրտէրի զէմբից՝ տեղի տալով խորամանկութեան. «հասկացայ որդի... համա դու էլ, որ մի անգամ կարդաս, աւելի լաւ կլինի»: այսպէս է տգիտութիւնը ծածկում խեղճ գիւղացու շիրիքին ծանրացած երկարագգիստ արտօնեալը:

Պոռոշեանը ծաղրելով ձեռնհաս մարդկանց անտարբե-

րութիւնը, հոգևորականների տգիտութիւնը, չի մոռանում սպտակիկ նաև երկրագործ հայ գիւղացու խաղաղութիւնը խանգարող ցեցերին, ժողովրդի արիւնը ծծող ազրուկներին: Մանրավաճառ Բղդէն այսպիսի վաշխառուներից է, որն իր վարպետութեամբ կարողացել է գիւղացիների համակրանքը վայելիլ, երբեմն էլ փոքրիկ նուէրներով շատերի սիրտը գրաւել, զրա փոխարէն կրկնապատկում, եռապատկում էր խեղճ անգրագէտ Մաղաբի պէս գիւղացու սպառիկներին հաշիւը:

Այս գաղափարը զօրեղ արտայայտութիւն է գտել Յեցերի մէջ, որտեղ գիւղական ցաւերով վշտացող վիպասանը ի ցոյց է բերում հասարակութեան միջի այն ցեցերին, որոնք, կարծես, ժառանգաբար յաջորդելով իրար, ստեղծուած են խաղաղ համայնքի կեանքը վրդովելու և մարդկանց տանջելու համար: Գիւղական ցեցերը սովորական մարդկանցից տարբերում են իրենց ընատուր խելքով, ճարպիկութեամբ և ստոր հակումներով: Բալասան աղան այդպիսի մի տիպ է, թէև ընաւորութիւնը այնքան էլ բազմակողմանի չէ նկարագրուած, և կարծես աչքաթող արած լինի գաւառական թղթակիցների վաշխառուների մասին գրած «Շ թիւ թղթակցութիւնները: Բալասան աղան մեծ ուրախութեամբ մուրհակներով փող է բաժանում կարիք ունեցողներին և զրա հետ էլ հեազհետէ բարձրացնում իր հեղինակութիւնը գիւղացոց աչքում: Փողի ոյժով ընկճել է նա Օ. գիւղի հասարակութեանը իր քմահաճոյքը ուրախութեամբ կատարելու չափ: Վաշխառուների թաղաւորը նոյն իսկ խառնուում էր գիւղացոց ներքին գործերի մէջ և ստիպում էր դատաւոր ընտրել տալ նրանց, որոնք առաջուց պատրաստակամութիւն էին յայանում իրեն գործիք դառնալու, հակառակ դէպքում մուրհակը իր կործանիչ ոյժը կգործադրէր այս կամ այն ընտանիքի վրայ, որովհետև մի չնչին գումար էր հարկաւոր, որ խեղճ գիւղացին ամբողջ սերունդով ցեցապետին գերի մնար. «150 մանէթ վէր կալայ, էսա հինգ տարիա, հինգ էնքան տուել եմ, դեռ 500 մանէթ էլ կայ», կամ մի ուրիշ տեղ՝ 30 մանէթը 500-ի հասել, գանգատուում է գառնութեամբ գիւղացին:

Բալասան աղան յաճախ նորոգում էր մուրհակները և ամին անգամ էլ «ըստ առաջին պահանջման»-ը աղի մըտքից չէր մոռացում: Մուրհակները կեղծելուն օգնում էր խաչագող Վանեցի գրագիրը (ի միջի այլոց ասկեր, որ այս խաչագողի բնաւորութիւնը յաջող է հանած), որը հմտութիւն ունէր 30-ի չափ ստորագրութիւն կեղծելու:

Գոռեհանը Յեցերի մէջ բացի վաշխառութեան այլանդակութիւնը ցոյց տալուց, մասնաւոր կերպով հանդէս է բերում հին և նոր սերնդի մաքառումը:

Հնի և նորի կռիւը, որ վերածնութեան արդիւնք է, արտայայտութիւն են գտել և ուրիշ ազգերի դրականութեան մէջ: Ռուսաց մէջ ամենամեծ թափով արտայայտել են Տուրգենև, Գրիբաեդով, Օստրովսկին և այլն. այս մեծ տաղանդները ստեղծել են Չափու, Փաղովի և Բազարովի նման տիպեր, իսկ մեր համեստ տաղանդի տէր վիպասանը բաւականացել է Սիսակի պէս տիպով: Միսակը պատահմամբ է ասպարէզ գալիս, այսինքն աչքերի հիւանդութեան պատճառով թողնում է ճեմարանի դասընթացքը և ապրում գիւղում, ուրեմն կռիւն այստեղ մեծ շրջանի մէջ չէ դնում և նորի յաղթանակը չէ շնորհաւորում: Թէպէտ Միսակը նշանաւոր գործեր չի կատարում, յամենայն դէպս նրա բռնած ընթացքից և մասնաւոր դէպքերից երևում է, թէ որքան բարոյական ազդեցութիւն է ունեցել հասարակութեան վրայ և թէ ինչ չափով յաջողութիւն են գտել նրա տուած շահաւէտ խորհուրդները: Միսակը անգոր գըտնուելով հին սերնդի հետ դէմ առ դէմ կռուելու, ուշադրութիւն է դարձնում մատող սերնդի կրթութեան վրայ. երկտասարդներ է հաւաքում իր շուրջ, գրել կարգալ սովորեցնում, լրագիրներ է բերել տալիս, գրքեր կարգում նրանց հետ, ոգևորութիւն առաջ բերում:

Վիպասանի այսպիսի անյաջողութիւնը զուցէ կարելի լինի բացատրել նրանով, որ դէպքը շատ մասնաւորած է նրա համար, կարծէք, չկային ազգային գործիչներ, չկային անհատներ, սրոնք տողորուած գիւղական կեանքի բարեփոխութեան գաղափարով, ոչինչ չէին խնայում զոհելու և

կարծէք, գոյութիւն չունէին հնի դէմ մաքառող անհատներ: Այսպիսի դէմքեր չեն ոգևորել մեր վիպասանին, դուցէ և նրա համար, որ Աշտարակի սլանեգերիստը իր շրջանից դուրս ոչինչ չէ ուզեցել ճանաչել և կամ միջոց չի ունեցել դուրս գալու ճանաչելու:

Բացի վերայիշեալ գաղափարներից մեր վիպասանին զբաղեցրել են նաև մի երկու կենսական խնդիրներ: «Հացի խնդիր»-ի մէջ ցոյց է տուած մտտամբ այն վատ սովորութիւնը, որ մեր մէջ մինչև այժմ էլ գոյութիւն ունի՝ տղայ կամ աղջիկ նշանելու ժամանակ, թէ աղջիկը և թէ տղան ազատ չեն ընտրութիւն անելիս, այլ ենթարկուած են ծնողների քմահաճոյքին: Այսպիսի ամուսնութիւնը վատ հետեանքներ է ունենում և վերջանում է կամ սպանմամբ և կամ ընտանիքի քայքայմամբ: Նշանախօսութիւնը լինում է նոյն իսկ շատ վաղ. երբեմն էլ յայտնի չի լինում, թէ կինը տղայ թէ աղջիկ պիտի ունենայ, այնուամենայնիւ խոստանում են երևակայած սղջիկը տալ «աչքադրած» տղային: (տես նաև Կոուածադիկ 18, 19):

Պոռչեանը հողով և մարմնով հակառակ է այս տգեղ սովորութեան և աշխատել է ցոյց տալ զբանից առաջ եկած վատ հետեանքները. մի իրաւացի բողոք դնում է Հեղնարի բերանը, որ գանգատ էր հօր ստուերի դէմ... «ես ինչ քար քցեմ՝ գլխիս, երեք տարեկան անլեզու երեխայ եմ էլել որ իմ հէրս գլուխս կապելա, սեւ քարեկենդան լինէր էն օրն իրենց գլխին, ինձ էլ իմ ականջօրտանց ծոցը զբած պրծած ըլնէր, որ իր քէֆի համար մի մատը երեխէքանց գլուխը կապէր ոչ. եարաք էս ինչ անօրէն սովորոյթ ա. ծծի երեխին էլ քաշիքեարթամայ կանեն.» (էջ 86): Ահա անխօս, անլեզու հայ գիւղացի աղջկայ դրութիւնը այսպէս կենդանի պատկերացրուած է այս մի քանի տողերի մէջ:

Այսպէս ուրեմն, եթէ Պոռչեանին ոգևորող, նրան զբաղեցնող (?) գաղափարների ցուցակը կազմելու լինենք, կը տեսնենք, որ այդ ազիւսակը տղքատ է համեմատած նրա յօրեկանական գործունէութեան հետ: Շատ քիչ անցքեր, երևոյթներ, մարդկութեան զբաղեցնող խնդիրներ են ար-

ձագանք գտել կամ չեն գտել բոլորովին նրա վէպերում: Զարմանալի է միանգամայն, վերջին տարիները մանաւանդ, հայը անդորր վիճակ չունի, մէկ տեղ նա ընկճւում է, միւս տեղից արցունք թափելով գաղթում են օտար երկիրներ, մի ուրիշ տեղ կամաւոր գնդեր են կազմւում արիւնով ներկուած երկիրը սպահովելու համար, ուրեմն անապահովութիւն, վիշտ, տառապանք է պատկերանում ականատեսի առջ, և այգայիսի արիւնալից մթնոլորդը միայն ցաւ են պատճառել վիպասանին և ուրիշ ոչինչ... Մի խօսքով ոչ մոլեռանդ քարոզիչ է մի որևէ գաղափարի և ոչ էլ մեծ բանաստեղծների նման կարող է ասել:

«Ich singe, wie der Vogel singt

Der in den zweigen wohnt» (Գէօթէ)

(Ես երգում եմ, ինչպէս թռչունն է երգում,
որ սպրում է ծառերի սաղարթներում),

Գ.

Պոօշեանի արժանաւորութիւնը.— Իբրև Աշտարակի կեանքի լուսանկարիչ: Վիպասանի սուր զիտողութիւնը և կեանքի երևոյթների մանրամասն նկարագրութիւնը: Հարսանիքի հանգիսի նկարագրութիւնը՝ բանաւոր գրականութիւնը Պոօշեանի վէպերում:

Մինչև այժմ տեսանք, որ Պոօշեանի վէպերը թէ հոգեբանական, թէ գեղարուեստական և թէ տեխնիկայի տեսակէտից թոյլ են:

Ապա, ուրեմն, ինչով է նա այնքան մեծ համակրանք վտասակել, որ մեր ինտիլիգենտ հասարակութիւնը, ինչպէս չմոռացաւ նրա յօրելեանը կատարել, չմոռացաւ և նրա թողմանը փառաւոր հանդէսներ սարքել և լրագրների էջերը զարգարել երկտող հեռագիրներով ու անհամեստ ձևով գրուած յօդուածներով... Անշուշտ, այդ մեր խղճուկ կեանքն է մեղաւոր, մեր չարաճճի փոքրիկ գրականութիւնն է պատճառ, որ զեռ իր համար կանոնաւոր զարգացման ընթացք է բռնած, այլ պատահականութիւնների շնորհիւ արտայայ-

տուեի է, համարեա, ամեն ճիւղերի մէջ, տալով ցնցոտի սոցիոլոգ-փիլիսոփայ կոչուածներ, հէքիաթարան վիպասաններ, աշուղ բանաստեղծներ, լարախաղաց դրամատուրգներ և այլն, որոնք ամենքն էլ կերակրուող են ուրիշի սեղանի փշրանքներով, բայց շնորհիւ մեր չափ ու սահման չճանաչածներու, այդպիսիները յորջորջուած են ազգային գործիչներ, գրողներ, ազգային նահատակներ և այլն, և մեր դէպի դրանց ունեցած անտեղի զգացմունքի խորութիւնից փոխուելով գնահատութեան մաշտաբը, արժանիքը հռապատկուել է, պակասութիւնները մէկ կողմ դրուել:

Շնորհիւ այս հանգամանքի, մեր նոր կեանքի և գրականութեան իդէօլօգները քիչ է մնում, որ սրբանան.... Դուրեանը հոչակաւոր բանաստեղծ Շելլիի հետ է համեմատուում, Յովհաննէս Թումանեանի «Սասունցի Դաւիթը» քիչ է մնում Շահնամէից բարձր դասուել, չնայած որ նիւթն է միայն դիւցազներգական, Խրիմեան կաթուղիկոսը՝ Տօլստոյի և Շոպէնհաուէրի նման մտածող, և միևնոյն ժամանակ յեղափոխութեան ուսմիտայ, չնայած որ յեղափոխութիւն բառն անգամ չէ սիրել և լսել անգամ չէ ուզեցել... և այլն և այլն:

Զարմանալին այն է, որ մեր գրողներն ու գործիչները փառարանուում, աստուածանում են մեռնելուց յետոյ միայն: Պոօշեանի վէպերը անմահ ճանաչուեցան, հեղինակը նոր գրականութեան ուսմիտայ, չնայելով, որ նա եղել է միջին, բայց անզարգացած տաղանդի տէր մի գրող և որ գրուածներն էլ կրել են այդ գրօջմը: Միջակութեան պատճառով է, որ նա չի կարողացել մի շօլա ստեղծել, հետևողների մի խմբակ ունենալ:

Առնասարակ ժողովրդագրութիւնը մեր մէջ տաղանդաւոր ներկայացուցիչներ չտուեց. եղան ոմանք՝ Արարտեան, Գ. Բարխուդարեան, որոնք իբրև վիպագիրներ՝ Պոօշեանի նման պառաւախօս հէքիաթարաններ զուրս եկան, իսկ սրանցից յետոյ եկողները, մատաղ սերունդը, գուցէ Ռուսաց ժողովրդագրողների ազդեցութեամբ, մի փոքր հմուտութիւն ցոյց տուին՝ կենդանութիւն և հետաքրքրութիւն մը ցնելով վէպիկներէ մէջ, թէև զերծ չմնացին առաջիններին

յառուկ շատութօսութիւնից և հեռու չզնային վիպագրութեան մասին նրանց ունեցած հասկացողութիւնից: Ազապեան, Ճուղուբեան, Տ. Աւետիքեան, Նամայեան, Յ. Մալխասեան և մի կամ երկու վիպակի հեղինակները նոյն աւելի կամ պակաս փոքրիկ գրողներն են, նոյն: միեւնոյն անշուք թփի շուրջ պտոյտ եկողները:

Սրանց, իհարկէ, Պոօշեանի աշակերտներ չի կարելի անուանել, աւելի շուտ ժամանակի ծնունդ, օտար գրողներէ հետևողներ, թէև չենք կարող ուրանալ Պոօշեանի ունեցած փոքրիկ ազդեցութիւնը, որովհետև Պոօշեանի տհաս, անզարգացած բնավորութիւնները սրանց նիւթ են ծառայել, գլխաւորապէս վաշխաւուները, որից տեսնում ենք օգտուած նաև մեր միւս գեղարուեստագէտ բանաստեղծները: Օր. հէնց վերջերս Վ. Փափագեանի «Ժայռ» վաշխաւուն և նրա գրագիրը Պոօշեանի Բալասան աղայի և նրա Վանեցի գրագրի (Յեցիւր) պատճէնն են: Բայց ընդհանրապէս Պոօշեանի ազդեցութիւնը այնքան քիչ է եղել, որ չարժէ առանձնապէս գրանով գրադուել:

Սակայն Պոօշեանի արժէքը մենք ուրիշ բանի մէջ ենք փնտրում, մի կողմ թողնելով նրա կատարած հասարակական գերը՝ նուիրելով իրեն կրթական գործին, նպաստելով նրա յաջողութեանը, պէտք է խոստովանել, որ նրա վէպերը ժամանակին մեծ ծառայութիւն են մատուցել մեր նորարողով գրականութեանը: Նախ՝ նրանք աշխարհարարի նկատմամբ իրենց որոշ գերն են կատարել, նպաստելով նրանց տարած յաղթութեանը, երկրորդ՝ ընթերցանութեան նիւթ են մատակարարել գրագէտ հասարակութեան, մի կողմ թողնել տալով կրօնական միտք բթացնող գրքերը, և ընթերցանութեան նիւթ տուել դպրոցական սերնդին դասագրքերում գետեղուած՝ հայ հոգով, պարզ լեզուով գրուած հատուածների շնորհիւ: Եւ երրորդ՝ որ գլխաւորն է, Պոօշեանը վէպերի մէջ տուել է մեծ չափով այն, ինչի համար բանասէրները գանգատուում են մեր մատենագիրներից, որ վերջիններս հայկական ներքին կեանքի մասին հարևանցի կերպով են անցել, կամ բոլորովին զանց

են առել: Այս տեսակէտից Պոօշեանը բարձր է կանգնած ոչ միայն իր ուսուցչից, այլ և շատ բանահաւաքներից, տալով Արարատեան նահանգի բարբառը, գիւղական կեանքը և գլխաւորապէս Աշտարակ գիւղի ներքին կեանքի մանրամասնութիւնները, սովորութիւնները և աւանդութիւնների մի կոյտ: Վիպասանի սուր գիտողութիւնից չէ խուսափել նոյն իսկ ընտանեկան կեանքի ամենափոքր երևոյթը և այդ բոլոր մանրամասնութիւնները նկարագրուած են շատ հաւատարմութեամբ, առանց որևէ իդէալացման, առանց մի բան թողնելու և աւելացնելու պատկերացրուած է իրականութիւնը, և այդ բոլորը «անկեղծ, կենդանի, գեղին հոտը կառնիս հոն, քակորի վարգի խառնուրդ»:

Վիպասանը մի փոքրիկ *fabula* պատճառ է բռնում և նկարագրում գիւղի բոլոր տօները, հանդէսները, սովորութիւնները, բացի դրանից հանդէսների, հարսանիքի, յուղարկաւորութեան, ուխտագնացութեան մէջ երևան են գալիս գիւղական բոլոր տիպարները. այստեղ ընթերցողը հանդիպում է երիտասարդ սիրահարների, շահամուլ, կրքոտ, գիւղական վարիչների, տգէտ քահանաների, պարզամիտ ռամիկ դասակարգի և նահապետական խելքով ու կենցաղով ապրող ընտանիքների:

Որպէսզի գաղափար կազմենք Պոօշեանի յաջողութեամբ նկարագրած գիւղական կեանքի որևէ երևոյթի մասին, աւելորդ չի լինի մի նկարագիր առաջ բերել, թէկուզ Աշտարակի հարսանիքի նկարագրութիւնը, որը վէպի հետ ոչ մի կապ չունի և կարելի է առանձին գրքոյկով հրատարակել: (Սօս և Վարդիթեր էջ 252—300:)

Մինչև բուն հարսանիքի հանդիսի սկսելը տեղի են ունենում չնչին արարողութիւններ, որոնց նկարագրութիւնը տալիս է հեղինակը. օր. քաւոր համաձայնութեամբ նշան ուղարկելիս հրաւէրք սարքել, խնամիներին համաձայնութեան բերել պարտաւոր որոշ գումարի և խալաթների խնդրի նկատմամբ և այլն:

Փետայի տան «տաշտադրէք»-ը, որին մասնակցում են ալիւրը մաղիլու համար եօթը աղջիկ առանձին տներից:

Այդ երեկոյին նշանակում է նաև բարեկամների և տէրտէրի հաւանութեամբ հարսանիքը կառավարողներ:

Դրացիների օգնութիւնը հարսանիքի տիրոջ, ճոթկտրէքը, երբ տունը լցւած կանայք սպասում են քաւորի մօրը, որի ներկայութեամբ դերձակը պիտի հարսնացուի հագուստները ձեւի, իսկ դերձակն էլ սրախօսութիւններով և կատակներով մկրատը շարժում է այն ժամանակ, երբ դրամական նուէրներ է ստանում:

Հետեւեալ օրը հարսանիքի համար պարարտ եղն է մորթւում, որի արեան մէջ մի կողպէք է թաթախ անում և կողպուած պահւում մինչև որոշեալ ժամանակ:

Նկարագրած է նաև փեսայի ուխտ դնալը, ընկերների կողմած խնջոյքը, սափրիչի կատարած ծիսակատարութիւնը: Երեկոյեան հացկերոյթին փեսան իր երկու ընկերների հետ բարձի վրայ կանգնած սպասում է «խօսնչէ» բերելուն: Նորապսակների «հինայ» ստանալը, որ մեծ հանդէսով է կատարւում:

Նորահարսի շորեր հագցնելը, «կիրաքաշի» (երեսբրիչ, որի ծայրերից բռնում են նորապսակները) տալը, պսակ տանելու ժամանակ նուագած տխուր եղանակի դադարեցնելը, ժամհարի հետ սակարկելը, որը կեղեցու դուռը բաց անելու մենաշնորհն ունի, կեղեցում թուր բռնելը և այլն, նկարագրած են ամենայն հաւատարմութեամբ: Իսկ ծէսերը, սովորութիւնները ամեն մի արարողութեան ժամանակ ամենայն ճշտութեամբ:

Պսակից յետոյ պարեր և խաղեր են սարքւում փոքրիկ ներկայացման հետ միասին. օր. շահն է գալիս իր զինուորներով և յանկարծ կեղծ միբուքը այլուում է, կամ գլխին ջուր են թափում, մեծ զուարճութիւն պատճառելով հանդիսականներին:

Հետեւեալ օրը թագաւորը թախտի է նստում, դատաւարութիւն անում իր ծառաներով և սրան նրան մեղադրելով, մեծ տուգանքներ բարդում և արձակում կամ ազատում փրկանք ստանալուց յետոյ:

Ահա Աշտարակի հարսանիքի նկարագրութիւնը, որից

միայն աչքի ընկնող կէտեր են բերուած:

Այսպիսի մանրամասնութեամբ նկարագրուած են և միւս հանդէսները: Սօս և Վարդիթերի մէջ մարտի 15-ից սկսում է մինչև բարեկենդանի օրերը կզած բոլոր տօների հանդէսները, ուխտագնացութիւնները և սովորութիւնները նկարագրել և բոլոր տօներն էլ իրար յիսկից՝ օրացոյցի մէջ յիշուած տօների կարգաւորութեամբ: Պակաս մնացած տօները նկարագրում է «Հացի խնդրի» մէջ, որի յառաջաբանում գրում է. «Սօս և Վարդիթեր» վիպասանութեան մէջ Արարատեան նահանգի սովորութիւնները նկարագրելուս վիպասանութեան պահանջմանց (?) համեմատ պակաս էր մնացել բուն բարեկենդանից մինչև ծաղկազարդ», և այս վիպասանութիւնով տալիս է պակաս մնացած նկարագրութիւնը: Դիտմամբ «Հացի խնդրի» նիւթը վերցնում է 40-ական թուականներից, որպէսզի մի որոշեալ ժամանակի կեանքը ամբողջապէս նկարագրած լինի:

Պոռնեանը այս սովորութիւնն էր նկարագրութիւնների հետ տալիս է նաև շատ աւանդութիւններ, ոչ միայն մօտիկ ժամանակից, այլ և շատ խորն անցեալից, այսպէս օրինակ՝ յարդագողի ճանապարհի բացատրութիւն, քառասունքի նշանակութիւն, Մարգագողի մասին աւանդութիւն (Կոռուածաղիկ), թեղի ծառի՝ որպէս թուխ մանուկի պաշտամունք, օձերի մասին աւանդութիւն, Արագածի և Մասիսի օձերի կռիւը (Յեցեր), չար աչքի աղօթք (Բիդէ 46) ողբեր (Կոռուածաղիկ 125), Օրորոցի երգ, Վարդավառի երգ (Սօս և Վարդիթեր) օր, արժէք նրա բոլոր վէպերից հաւաքել մի գրքի մէջ:

Մի խօսքով տեղական կեանքի որևէ կողմ կարելի է գտնել Պոռնեանի վէպերի մէջ, և եթէ մէկը ցանկանայ ուսումնասիրել Արագածոտն գաւառի հայկական կեանքը, անպատճառ ձեռքի տակ պիտի ունենայ Պոռնեանի վէպերը, որպէս մի որոշ շրջանի վաւերաթղթեր, թէև անշնորհք կիրպով ժողոված, առանց որևէ կարգաւորութեան:

Ահա ինչու համար Պոռնեանի վէպերը անմեռ կմնան, հէնց միայն այդ կենդանի երակի շնորհիւ:

Ե.

Հացի ինդրի վերլուծութիւնը. բովանդակութիւն, բնաւորութիւններ. Սաքօն և նրա գործած այլանդակութիւնները: Մովրովի բնաւորութիւնը—կամքի թուլութիւն, կաշառակերութիւն: Խէչանի բնաւորութիւնը.—հիւրասիրութիւն և պարզասրտութեան գծեր: Երկրորդական բնաւորութիւններ. գաղափարները. վէպի թերութիւնը:

Պոռշեանի լեզուն. ոճի բնաւորութիւնը. բարարանի հարստութիւնը. քերականական անկանոնութիւններ. տձև դարձուածներ:

Պոռշեանի վէպերից ամենից շատ յաջողուել է Յեցերը^{*)}, որի մէջ տիպերը բնական և նոր էին մեր գեղարուեստական գրականութեան մէջ (Բալասան աղէն), գործողութիւնները կենդանի, նկարագրութիւնը յաջող, մի ամբողջութիւն է ներկայացնում այս վէպը, թէպէտ տենդենցիոզ, թէպէտ հեղինակին յատուկ աւելորդարանութիւններով՝ մի կոյտ հայհոյանքներով: Այս յաջողութիւնը պէտքէ բացատրել նրանով, որ Յեցերը բացասական կեանքի նկարագրութիւնն է, իսկ գիտենք, որ հիւանդոտ մթնոլորդի պատկեր տալը Պոռշեանին շատ է յաջողում: Որովհետև Յեցերի մասին համեմատաբար երկար խօսուեցաւ, ուստի առանձին վերլուծութեան համար կարելի է վերցնել Հացի ինդրը, որը Յեցերից յետոյ արժանաւորութեան տեսակէտից երկրորդ տեղը կարելի է դասել: Այս վէպը ոչ միայն Սօս և Վարդիթերի շարունակութիւնն է կազմում, այսինքն ժողովրդական կեանքի նկարագրութեան լրացումը, ինչպէս հեղինակն է ասում, այլ և ինքն ըստ ինքեան մի գեղարուեստական արտադրութիւն է ներկայացնում:

Fabula-ն հարուստ և հետաքրքրական է:

Աշտարակում յայտնի գերդաստանի նահապետ Խէչանը եղբոր հետ արդար վաստակով մեծ հարստութիւն էր ձեռք բերել: Եղբոր մահուանից յետոյ հարստութեան միակ ժառանգ մնում է Խէչանի Հեղնար աղջիկը, որն ոչ այնքան

*) Թէև ոմանք համարում են Սօս և Վարդիթերը, իբր թէ նրանով է յայտնի դարձած:

գեղեցկութեամբ, որքան հարուստ ժառանգութեամբ շատ երիտասարդների իգէալն էր դարձել:

Մի բարեկենդան օր Խէչանը գիւղի տէրտէրի և ծերունիների հետ խնջոյքի նստած ուրախանում էր: Ներկայ էր գիւղի պատուելին իր աշակերտներով, որոնցից մէկը Սմբատ անունով իր եռանդուն խաղերով և երգերով այնքան է ոգևորում Խէչանին, որ վերջինս, ամենքի ներկայութեամբ իր աղջկանը, գիւղական սովորութեան համաձայն, Սմբատի հետ «բաշիքարթամայ» է անում: Փորքիկ Սմբատը այնուհետև Խէչանի ընտանիքի անդամ համարուելով, շարունակ նրանց մօտ էր լինում, որ առիթ եղաւ կամացկամաց մտերմանալու Խէչանի քրոջ աղջկայ Հերիքնազի հետ (սա իր այրիացած մօր հետ Խէչանի տանն էր ապրում), և վերջն էլ այդ մտերմութիւնը սիրոյ փոխուեց:

Երբ Սմբատը երկար ժամանակ անցնելուց յետոյ իմանում է Հեղնարի հետ նշանուելը, որոշում է խուսափել նրանից: Իսկ Հերիքնազը սրբապղծութիւն էր համարում ճագատագրին հակառակելը, ուստի աշխատում էր մի կողմից իր մէջ վառուած զգացմունքը խեղդել, միւս կողմից՝ Սմբատի և Հեղնարի մէջ մարած սէրը զարթեցնել: Գիւղի երիտասարդների մէջ միայն հարուստ և պարծենկոտ Արշակին էր յաջողուել Հեղնարի սիրտը գրաւել շնորհիւ այն տեսակցութիւնների, որ տեղի էին ունենում գիշերները «դրիջակի» միջոցով, թէև անհետեանք էին մնում շնորհիւ մի քանի խոչընդոտների: Վերջապէս իրար ատող սրտեր՝ Հեղնար և Սմբատը մի փառաւոր օր հկեղեցի են գնում ձեռք ձեռքի բռնած, բայց յանկարծ գործակալի և մովրովի հրամանների համաձայն պսակը խափանւում է:

Այստեղից արդէն սկսւում է զբաման: Պսակի խանգարողը միկիտան Սաքօն էր, մովրովի հաւատարիմ օգնականը, որը Խէչանի հարստութեանը տիրանալու համար գիմել էր այդ միջոցին: Ահա այդ պատճառով է, որ պսակն արգելալուց յետոյ, Խէչանի աղջկանը առաջարկութիւն է անում: Եւ երբ անձնական միջամտութիւնը, պարգևները ոչինչ չեն օգնում, վճռում է աւագակների միջոցով փախցնել, չնայած

որ այդ ևս անյաջող է անցնում. սակայն այդ անյաջողութիւնները հոանդ ու ոգևորութիւն են ներշնչում Սաքօյին որոնելու նոր, վատթարագոյն կորստաբեր միջոցներ: Խէչանին մարդասպան ճանաչել տալով, շրթայակապ բանտ է ուղարկում և իր յաճախակի այցելութիւններով կարողանում է բանտի խոնաուութեան մէջ մաշուող Խէչանի սիրտը գրաւել, բարեկամ ցոյց տալ, նրա աղջկանը և հարստութեանը տիրանալու համար, բայց բոլոր հնարները ի դուր անցան: Սաքօն խուսափեց արգարագատ քննիչի գատապարտութիւնից, անցաւ Պարսկաստան իբրև պարսիկ կրօնաւոր:

Խէչանը վերջապէս ազատւում է, բայց բոլորովին մաշուած, ուժասպառ եղած. նա մեռնում է իր աղջկայ գիբեզմանի վրայ: Այնուհետև Սմբատը ամուսնանում է իր առաջուայ սիրած աղջկայ՝ Հերիքնապի հետ:

Հացի խնդրի մէջ, ինչպէս երևում է բովանդակութիւնից, բոլոր գործողութիւնները պատուում են գինեվաճառ Սաքօյի անձի շուրջը, որի անունով իսկապէս վէպը պիտի կոչուէր: Վէպի մէջ սրա կեանքի մանրամասնութիւնները չէ նկարագրուած. ընթերցողին երևում է մէկ 12 տարեկան հասակում անպիտանութեան կամ գողութեան պատրուակով գինեվաճառների խանութների առաջ բարձր գալիս, մէկ էլ իբրև գինեվաճառ Սև ջրի մօտ: Մանկութեան ժամանակ ոչ մի հովանաւորող ձեռք չունեցող և սանձարձակ կեանքին անձնատուր պատանին պիտի ունենար, անշուշտ, այն յատկութիւնները, որ ունէր նա:

Շուկայում տեղի ունեցող դէպքերին մասնակցողը և փողոցային շքմոլիկների անբաժան երիտասարդ Սաքօն ձեռք էր բերել գործելու վարպետութիւն և հմտութիւն: Նորա բնական ընդունակութիւնը, փորձառութեամբ ձեռք բերած կարողութիւնները գործադրւում էին միայն մի նպատակի համար՝ որքան կարելի է շատ փող վաստակել, մեծ կարողութեան տէր լինել: Նրա աչքում հարստութիւնը ներկայանում է մի իդէալ, որին հասնելու համար անձն անգամ չի խնայում: Սաքօյի կատարած չարութիւնները բըղխում են փող վաստակելու տենչից: Նա Խէչանի դէմ թա-

կարգներ է լարում ոչ թէ աղջկան տիրանալու, այլ նրա կարողութիւնը ժառանգելու համար. «Խէչանի աղջիկը չեմ առնում, նրա մալ ու գովլաթը պիտի լինի իմ կնիկը» (183): Այսպէս փողամոլութիւնը կուրացրել է Սաքոյին տեսնելու առաջն ընկած թշուառին, խլացրել է լսելու հարիւրաւոր աղքատ գիւղացոյ արդար բողոքը հարստահարութիւնների համար և մեռցրել էր խիղճը արգար դատաւոր լինելու այն դէպքում, երբ բանտի խորշերում խեղճերին փթեցնելու և չարչարելու համար ծրագիրներ էր կազմում և գործադրում: Բնաւորութեան այս կողմը աղբիւր է ծառայում մնացած գծերին. փող կորզելու համար ոչ մի միջոց չէ խնայում և փող վաստակելու տենչը արդարացնում է բոլոր ձեռնարկութիւնները: Այս ճիղուխտական սկզբունքն ունէր Սաքօն իր գործունէութեան նշանաբան:

Նեղութեան մէջ ձգել, բանտարկել տալ ամիսներով օրուայ վաստակով կերակրւող գիւղացուն, կռուեցնել մարդկանց միմիանց հետ, նահապետական օջախի բաժանման պատճառ դառնալ աւելի մեծ չափով օգտուելու համար, այդ յատուկ էր Սաքոյին, որովհետեւ այդ կեղտոտ ընդունակութեան հետ նա ունէր և քաղցր լեզու, շողորթութ վերաբերմունք, որով ծածկում էր իր սրտի չարութիւնը: Կրքերին յագուրդ տալու համար նրան հարկաւոր էր մի ուժեղ բազուկ, մի հզօր պաշտպան, որի միջոցով կարողանար կատարել անպիտանութիւններ կամ պէտք եղած ժամանակը նրա հովանաւորութեանը դիմէր. այդպիսի մէկը մովրոջն էր: Սաքօն հեշտութեամբ կարողացաւ նրան իր կողմը գրաւել, ցոյց տալ փողի կարևորութիւնը. ձեռք բերեց նաև լրտեսներ, դորձիք շինեց թէ գիւղական վաշխառուներին և թէ «խղճատանքը մեռած եսաւուրներին»: Սրան յաջողում էր գլխաւորապէս այն պատճառով, որ ունէր ստորանալու չափ կարողութիւն, սուր միտք և ինտրիգներ լարելու հմտութիւն: Միանգամից մի քանի դորձ չէ սկսում, բայց և դադար էլ չունէր. «Եզորոսի շան պէս բերաններիս մտի կտորը վէր չքցենք և շուաքի քամակիցն ընկնենք», ասում էր նա:

Ռուս-Պարսկական պատերազմը Սաքոյի և մովրոջի

տենչանքներին լիառատ բաւականութիւն էր աւալիս. յանուն պատերազմի կեղեքւում էր ժողովուրդը: Երբ մեղաւնիքի ինդիքը մէջ տեղ է գալիս, Սաքոյի աչքում ոսկու նշանակութիւնը աւելի ևս մեծանում է, նրա մէջ հաստատում է այն համոզմունքը, որ համրին լեզու, կոյրին աչք տուողը ոսկին է և վերջապէս այն է միակ աստուածը, ուստի հրաման է հանել տալիս, որ 184... թուականի «այօլիմպերեալ», որ առաջուց ժողոված ունէր և բաժանում էր կրկնապատիկը ստանալուց յետոյ, վճարողը կարող է շքանշան ստանալ, իբրև պատերազմին մասնակցող: Այսպիսով գրգռում է զիւրացոց պատուասիրութիւնը, չզխնալով նաև մեղալը ստանալու համար իր ցոյց տուած աշխատութեամբ կամ «սըրտաուռ է կըբայրական միջնորդութեամբ» զիւրացոց աչքը կապել և մէկի փոխարէն տասը շահել: Նրա այս կըբայրական միջնորդութիւնը գործադրւում էր նաև յօգուտ աւագակների, որոնց յարմարութիւն և զիւրութիւն էր տալիս կողոպտելու և թաղանելու: Այս մտերիմ մարդկանց շնորհիւ ուզում էր փախցնել Հեղնարին, տէր լինել Սէչանի հարստութեան. և նա չէր ցաւում, չէր խղճահարւում անմեղներին իղուր տեղը դատապարտելով, այլ ցաւում է, որ ծրագիրները անկատար են մնում և նա զրկւում է Սէչանի հարստութիւնից ու վիրաւոր գազանի մահամերձ ոյժի թափով նա վերջին փորձն է անում, խորհուրդ է տալիս միամիտ մովրովին Երևանի բերդն ուղարկել ծերունի Սէչանին և ազատել միայն այն ժամանակ, երբ կախրանան նրա շարժական և անշարժ կալուածներին:

Իրերի դրութիւնը փոխւում է: Այս քայքայուած մըթնոլորդը ուշադրութիւն է գրաւում, ճնշումը և հարստահարութիւնը ծնում են բողոքողներ, ժողովրդի անհուն վէրքերը հրաւիրում են բուժիչներ. գալիս է բննիչը իր արդար դատաստանով: Եւ Սաքօն, որ երկարատև անիրաւութեան ու չարագործութեան պատճառով բթացրել էր ամեն մի առաքինի զգացում և դրսից ու ներսից ոչ մի բողոք չլսելով մաշուել էր բարոյապէս, այժմ վերջին ոյժերի լարումը ապարդիւն գտնելով, հեռանում է օտար երկիր: Սաքօն,

ճիշտ է, խոյս է տալիս մարմնական պատժից, բայց բարոյապէս նա տուժում է: Պարսկաստանի խորքերում «մի մեծ գիւղի մօլլայ է. նա շատ թշուառութեանց պատճառ է դառնում, ամեն օր իր գեղականաց հետ կուիւներ է անում և բոլորին ձանձրացրել է»:

Այս տիպի մարդկանցից է մովրովը, նահանգի կառավարիչը: Երկար տարիներ ծառայած, բացի կաշառակերութիւնից ոչ մի փորձութիւն ձեռք չբերած աստիճանաւոր է. վերին աստիճանի թոյլ կամքի տէր և գործիք դարձած Սաքոյին, թողնելով բոլոր վարչական գործերը նրա տրամադրութեան տակ: Սաքոյից նա սովորում է փող կորզելու նորանոր միջոցներ ու հնարներ և միւս կողմից էլ աշխատում էր Երևանում նստած իշխանների սիրտը շահել. «շատ զալուճնա էս Սաքօն, թէ որ սրա պէսները չլինէին, ինչ պիտի լինէր մեր հալը, մենք քաղցած կը զկուտայինք», այսպէս էր հաւատացած մովրովը: Սաքոյի հետ միացած հարստահարութեան ամեն մի նոր միջոց սրբագործում էր պետութեան հրամանով, թէև իր միամտութեան շնորհիւ չնչին մասն էր ստանում միայն:

Իրբև վարչական մարդ հեռատես չէ. դիւրահաւատ է և ոյժ ու հնարաւորութիւն չունի կեղծիքները իմանալու. երկար մտածելու կարողութիւն էլ չունի, այլ ուրիշի հնարած խարդախ միջոցների վրայ զարմանում է և, ըստ կարելոյն, իր աջակցութիւնը ցոյց տալիս:

Այս տիպերի հակապատկերն է ներկայանում Խէչանը իր ընտանիքով. իրբև նահապետական ընտանիք, առատ բարիքներով, տան դռները միշտ բաց էին ամեն մի օտարականի կամ աղքատի առաջ: Խէչանի միակ փառասիրութիւնը նրա հիւրասիրութիւնը ու պարգասբերութիւնն էր: Մասամբ ծերութեան հասակը, մասամբ էլ որդիների պատճառած ցաւը, որոնք վաղուց հեռացել էին այս աշխարհից տանելով իրենց հետ ծնողական սիրտը, մաշել և զգայուն էին դարձրել Խէչանին, այնպէս որ փոքրիկ հարուածից նրա սիրտը ապակու պէս փշրւում էր: Ուրախութեան ժամանակ, երբ լսում է փոքրիկի երգը, յիշում է իր որդիներին, իրեն պահել

տենչանքներին լիառատ բաւականութիւն էր աւելիս. յանուն պատերազմի կեղեքւում էր ժողովուրդը: Երբ մեղաւնիքի ինդիքը մէջ տեղ է գալիս, Սաքոյի աչքում ոսկու նշանակութիւնը աւելի ևս մեծանում է, նրա մէջ հաստատւում է այն համոզմունքը, որ համրին լեզու, կոյրին աչք տուողը ոսկին է և վերջապէս այն է միակ աստուածը, ուստի հրաման է հանել տալիս, որ 184... թուականի «սօլիմալերեալ», որ առաջուց ժողոված ունէր և բաժանում էր կրկնապատիկը ստանալուց յետոյ, վճարողը կարող է շքանշան ստանալ, իբրև պատերազմին մասնակցող: Այսպիսով գրգռում է գիւղացոց պատուասիրութիւնը, չզխնալով նաև մեղայը ստանալու համար իր ցոյց տուած աշխատութեամբ կամ «սըրտաուռ է կըբայրական միջնորդութեամբ» գիւղացոց աչքը կապել և մէկի փոխարէն տասը շահել: Նրա այս եղբայրական միջնորդութիւնը գործադրւում էր նաև յօգուտ աւազակների, որոնց յարմարութիւն և գիւրութիւն էր տալիս կողոպտելու և թալանելու: Այս մտերիմ մարդկանց շնորհիւ ուզում էր փախցնել Հեղնարին, տէր լինել Սէչանի հարստութեան. և նա չէր ցաւում, չէր խղճահարւում անմեղների իղուր տեղը դատապարտելով, այլ ցաւում է, որ ծրագիրները անկատար են մնում և նա զրկւում է Սէչանի հարստութիւնից ու վիրաւոր գազանի մահամերձ ոյժի թափով նա վերջին փորձն է անում, խորհուրդ է տալիս միամիտ մովրովին Երևանի բերդն ուղարկել ծերունի Սէչանին և ազատել միայն այն ժամանակ, երբ կտիրանան նրա շարժական և անշարժ կալուածներին:

Իրերի դրութիւնը փոխւում է: Այս քայքայուած մըթնոլորդը ուշադրութիւն է գրաւում, ճնշումը և հարստահարութիւնը ծնում են բողոքողներ, ժողովրդի անհուն վերքերը հրաւիրում են բուժիչներ. գալիս է քննիչը իր արդար դատաստանով: Եւ Սաքօն, որ երկարատև անիրաւութեան ու չարազործութեան պատճառով բթացրել էր ամեն մի առաքինի զգացում և զբսից ու ներսից ոչ մի բողոք չլսելով մաշուել էր բարոյապէս, այժմ վերջին ոյժերի լարումը ապարդիւն գտնելով, հեռանում է օտար երկիր: Սաքօն,

ճիշտ է, խոյս է տալիս մարմնական պատժից, բայց բարոյապէս նա տուժում է: Պարսկաստանի խորքերում «մի մեծ գիւղի մօլլայ է. նա շատ թշուառութեանց պատճառ է դառնում, ամեն օր իր դեղականաց հետ կռիւներ է անում և բոլորին ձանձրացրել է»:

Այս տիպի մարդկանցից է մովրովը, նահանգի կառավարիչը: Երկար տարիներ ծառայած, բացի կաշառակերութիւնից ոչ մի փորձութիւն ձեռք չբերած աստիճանաւոր է. վերին աստիճանի թոյլ կամքի տէր և գործիք դարձած Սաքօյին, թողնելով բոլոր վարչական գործերը նրա տրամադրութեան տակ: Սաքօյից նա սովորում է փող կորզելու նորանոր միջոցներ ու հնարներ և միւս կողմից էլ աշխատում էր Երևանում նստած իշխանների սիրտը շահել. «շատ զալուճիս էս Սաքօն, թէ որ սրա պէսները չլինէին, ինչ պիտի լինէր մեր հալը, մենք քաղցած կը զկուտայինք», այսպէս էր հուշատացած մովրովը: Սաքօյի հետ միացած հարստահարութեան ամեն մի նոր միջոց սրբագործում էր պետութեան հրամանով, թէև իր միամտութեան շնորհիւ չնչին մասն էր ստանում միայն:

Իբրև վարչական մարդ հեռատես չէ, դիւրահաւատ է և ոյժ ու հնարաւորութիւն չունի կեղծիքները իմանալու. երկար մտածելու կարողութիւն էլ չունի, այլ ուրիշի հնարած խարդախ միջոցներ լրայ դարմանում է և, ըստ կարելոյն, իր աջակցութիւնը ցոյց տալիս:

Այս տիպերի հակապատկերն է ներկայանում Խէչանը իր ընտանիքով. իբրև նահապետական ընտանիք, առատ բարիքներով, տան զոնները միշտ բաց էին ամեն մի օտարականի կամ աղքատի առաջ: Խէչանի միակ փառասիրութիւնը նրա հիւրասիրութիւնը ու պարգաստութիւնն էր: Մասամբ ծերութեան հասակը, մասամբ էլ որդիների պատճառած ցաւը, որոնք վաղուց հեռացել էին այս աշխարհից տանելով իրենց հետ ծնողական սիրտը, մաշել և զգայուն էին դարձրել Խէչանին, այնպէս որ փոքրիկ հարուածից նրա սիրտը ապակու պէս փշրւում էր: Ուրախութեան ժամանակ, երբ լսում է փոքրիկի երգը, յիշում է իր որդիների, իրեն պահել

չի կարողանում, արտասուեախառն զրկում է երեխային և իր որդիներէ մահը ողբում. «փառք իրան... ինչ կլինէր չորսիցս իրեքին իրա բաժին վերցնէր, Սմբատին էլա թողնէր մեզ մխիթարանք»: Եւ ծերութեան հասակը քաղցրացնելու և խորին ցաւը մեղմացնելու համար, որոշում է մինուճար աղջկանը տալ զրկում սեղմած, բոպէապէս որդեգրած երեխային:

Երիտասարդութեան և ծերութեան օրերում նա չի մասնակցել համայնքի վերաբերեալ խնդիրներում. նա չէր ցանկանում ոչ տանուտէր և ոչ էլ երեցփոխ լինել, որ չլինի թէ «սխալմունքով գանձանակի կամ մոմի փողիցը մի սև գրոշ խառնուի ջերի սև փողերի հետ ու խարջուի. չէ որ իմ հալալս կը հարամուի, իմ տունը կ'քանդուի» (66):

Այս աստուածավախ նահապետի հսկողութեամբ կառավարեող ընտանիքի խաղաղութիւնը վրդովում է չար սատանան, որից յետոյ ընտանիքը կրում է իրար յաջորդող մէկը միւսից սարսափելի աղէտներ և վերջանում է Խէչանի մահուամբ:

Երկրորդական տիպերից են Սմբատը, Հեղնարը և Հերիքնազը: Սմբատը երեխայ ժամանակից ներկայանում է մի վառվռուն, համարձակ տղայ. աղքատ ընտանիքի զաւակ է, բայց ունի հարուստ սիրտ: Ընկերների մէջ նրան մատով էին ցոյց տալիս իբրև լաւ ջիրիլը խաղացող և համեստ ու բարի բնաւորութեան տէր. 16 տարեկան հասակում, օրինակ, ամօթ էր համարում նշանածի մօտ գնալը կամ նրան տեսնելը: Սմբատի մէջ զարգացած է պատուասիրութեան զգացումը, նա իմանում է Հեղնարի դաւաճանութիւնը, այբուճ, խորովում է և իր դառնութիւնը ժողոված բուռնցքի մէջ թափում է Հեղնարի սիրտը խլող **Աբշակի գլխին**: Այս բաշխութեան և ասպետակարութեան հետ ունի նաև պարտաճանաչութեան դաղափար և պարզամտութիւն:

Ինչպէս Սմբատը իրէալացրած ներկայացուցիչ է հանդիսանում գիւղական երիտասարդութեան, այդպէս է և Հերիքնազը, իբրև ներկայացուցիչ գիւղական ամօթխած

սեռի, իսկ իսկական հարուստ ազղկայ տիպ Հեզնարն է, ծածկամիտ մի աղջիկ: Սմբատին չի սիրում, որովհետև ինքը հարուստի աղջիկ է, աղքատ ընտանիքում չէ ուզում հարս լինել. «Սմբատն ինձ արժանի չի, ես քնած մուրրածի կնիկ գառնալու չեմ. իմ հօր հարստութիւնի տէրն ես եմ, ես կուզեմ, որ իմ մարդը գիւղամիջումը մի անում ունենայ, ինձ էլ խանում ասեն, մեր դռանն էլ մենծաւորներ վէր գան...» (126).

Վէպի մէջ երեւան են գալիս նաև գիւղական քահանան, տանուտէրը, ռամիկը, թուրքը, աւազակը, որոնց բնաւորութիւնները, ինչպէս մի անգամ նկատեցինք, բնական և կենդանի են: Բնաւորութիւնների այսպիսի յաջող նկարագրութեան և նիւթի հետզհետէ զարգացման պատճառով, համեմատական չափով վերցրած, Հացի խնդիրը միւսների նկատմամբ բարձր է, բայց և նոյնպէս վարակուած է միւսներին յատուկ ախտով, այսինքն կան անբնական տեսարաններ, աւելորդարանութիւններ, դիմումներ, ընդհատումներ: Այսպէս օրինակ՝ անբնական և հոգեբանօրէն անհասկանալի է այն տեսարանը, երբ Հեզնարը լսում է պսակի արգելումը, մոռանում է մի րոպէ գէպի Սմբատը տածած չափազանց ատկութիւնը և այդ վայրկեանին նրան սիրում է այնպէս, «որ երբէք չի սիրել ոչ ոք նրանից աւելի... դէն ձգեց գլխից հարսնութեան քօղը, սուր ճիչ արձակեց և թուլացաւ դեռին ընկաւ» (226): Նոյնպէս և Սաքօն, երբ չի կարողանում նպատակին հասնել՝ Հեզնարին առնել, կատաղում, բորբոքում է այդքան անյաջողութիւնների համար, դէս ու դէն է ընկնում, բայց նոյն գիշերը էլի հանդիստ քնում է (218): Եւ վերջապէս գլխաւոր գործող անձի՝ Սաքօյի բնաւորութիւնը բաւականի միակողմանի է. զարգացած է նրա մէջ միայն փողատիրութիւնը, **նա ոչ ներքին մաքառում ունի, որովհետեւ չարութիւնները յաճախ մեքենայարար է անում, որ պարզուէր նրա ներքին աշխարհը և ոչ էլ նրա գէմ կանգնած է մի բարոյապէս ուժեղ անձնաւորութիւն, որպէսզի մաքառումը աւելի ուժգին լինէր, վէպը աւելի հետաքրքրութիւն ստանար:**

Բացի սրանից այդ գեղեցիկ նիւթը ծանրաբեռնուելով շատ աւելորդ մասերով, մասամբ կորցրել է իր նշանակութիւնը. այդ տեսակէտից գովելի է գերմաներէն թարգմանողի արած փառաւոր կրճատումները: Եւ իրօք, ինչ կարիք կար պատմութեան թելը կտրել, ցոյց տալու համար այն դժուարութիւնները, որ հանդիպում է գիւղական կեանք նկարագրողը կամ ցոյց տալ ժողովրդական նիւթեր ժողովելու կարևորութիւնը (121): Առանց խղճահարուելու կարելի է դուրս ձգել 3, (127—134), 20, 28, 32, 43 և այլն գլուխներ, երեսներ, ձգձգուած պարբերութիւններ: Յանկալի էր նոր հրատարակած տեսնել, բայց կրճատած, փոփոխած, ընթերցանութեան համար սիրելի գիրք դարձնելու համար:

Զնայած այս թերութիւններին, վէպի մէջ շօշափած երկու՝ մէկը միւսից կենսական գաղափարներ, արտայատութիւն են գտել համարեա անկախ վիպասանից, որովհետև հեղինակի նպատակը եղել է 40-ական թուականների Աշտարակի կիանքի պակաս մնացածը արձանագրել: Առաջինը՝ գիւղացոց տգեղ սովորութիւնն է պախարակում, երբ նոյն իսկ օրօրոցի երեխային նշանում են, այդ բաշխարթամայ կոչուած յիմար սովորութիւնը, որը վերջանալու վրայ է, և երկրորդ գաղափարը պարզուած է յանձին միկիտան Սաքօյի: Վիպասանը տուել է չարագործութեան մի այլ պատկեր, քան յետոյ արել է Յեցերի մէջ, միևնոյն ժամանակ ուղեցել է ցոյց տալ արդարագատութեան տարած յաղթանակը: Թէպէտ Սաքօն խուսափում է արդարագատութեան վճռից և նոր չարութիւնների պատճառ դառնում, յամենայն դէպս չպիտի ընդունենք, որ վիպասանը «բարոյական գեղեցիկ պահանջը» չի կատարել, ինչպէս գրում է պ. Քարամեան, որովհետև դրանից աւելի ինչ պատիժ, երբ դուահար եղած Սաքօն մօլլայի հագուստով չարութիւն է անում Պարսկաստանում. այս մի դատավճիռ է, որպիսին մարդկային միտքն ըմբռնել անգամ դժուարանում է. Կայէնի պէս նա հալածական ու թափառական կեանքով տանջուած, է սպասել ուրեմն, որ նա նորից հանդէս գայ, նշանակում է վի-

պասանից պահանջել, որ պատկերացնէ գեհննը իր ամենայն
այլանդակութեամբ և ճիւղահերով:

Գալով Պոռոհանի վիպասանութիւնների գրութեան
ոճին, լեզուին, պէտքէ նկատել, որ բոլորն էլ, բիշ բացա-
ռութեամբ, կրում են հեղինակի յատուկ գրօշմը: Նրա ժո-
ղովրդական բարբառով գրած վէպերի ոճը կենդանի է, աշ-
խոյժ, թէև երբեմն անմշակ ու ձգձգուած. ինչ հաւատար-
մութեամբ նկարագրել է կեանքը, նոյնն էլ պահել է ոճի
նկատմամբ. խօսում է գիւղացին, քահանան, ծերունին, երի-
տասարդը և ընթերցողը կարծում է, թէ իրեն հետ են
զրուցում և ոչ մի կեղծութիւն չի նշմարւում: Վիպասանը
աշխատել է գիւղացու արտասանած միտքը իր ամբողջու-
թեամբ և խօսակցական եղանակով տալ, թէև արտասանու-
թեան, հնչիւնների վրայ պէտք է որ առանձին ուշադրու-
թիւն դարձրած չլինի, ուստի մեծ քանակութեամբ արձա-
նագրուել են շատ դարձուածներ, ասացուածներ, առածներ,
որ ցանկալի էր վէպերից ժողովել: Վերջիններէս մի քա-
նիսը տարածուած են, իսկ միւսները յատուկ Աշտարակեցոյց-
տօ, սատանախար Կարբեցի... օրական քանիսի գլուխն են
անլուայ կլէկում, դատարկ փայտէն շունը չի հաչալ, մինչև
շունչդ եղունգիտ ծայրին է (կենդանի են), կրակի առաջին
չախմախի չեն տալ, ընկերների տակը ջուր կապեց (խարեց)
կովը հորթին, հորթը կովին, գլուխը տանի նախարարածին
և այլն և այլն, որի ժողովածուն անչափ նիւթ կմատակա-
րարէ լեզուով զբաղուողներին, որովհետև իրենց առաջ ու-
նեն մի գաւառաբարբառի ժողովածու, հարուստ թէ բառա-
բանով և թէ ստուգարանական ու համաձայնական կանոն-
ներով: Հարուստ է բառարանը, որովհետև մանրակրկիտ դի-
տողութիւնների արդիւնքը արտայայտելու համար հարկաւոր
են բառեր, և Պոռոհանը ոչ թէ ստեղծում է ինքը, այլ ժողովրդի
սեփականութիւնն է տալիս: Կուլածաղիկի մէջ՝ էջ 276 մօտ
քսան, կամ Սկիզբն Երկանցի մէջ՝ էջ 53 մօտ 40 ծաղիկների
անուն է տալիս. նոյնչափ էլ ուրիշ տեղ խաղողի տեսակ-

ներ և այլն: Քերականական ձևով հարուստ է, որովհետև ընթերցողի հետ գիւղացին է խօսում կենդանի կերպով աշխատանքի ժամանակ, խաղաղ ժամանակ, կուռի բողբոջներին, ուրախութեան, տխրութեան և ուրիշ վայրկեաններում:

Դժբախտաբար ոճի այդպիսի կենդանութիւնը պահւած չէ վերջին զրական լեզուով գրուածքների մէջ, որտեղ բանաստեղծական ոճը երբեմն ընդհատուած է անհարթ ձևերով, բառերի սխալ դասաւորութեամբ և կամ լրագրական անճոռնի լեզուի ազդեցութեամբ առաջացած դարձուածներով: Քերականական անկանոնութիւններ պատահում են նախ՝ բացասական մասնիկի նկատմամբ, որը մեծ մասամբ բառերի սկիզբն է դրւում. նա չի ականջ արեց, արմնէջիքը այգիները չը ման եկան, չէին անգամ ուշք դարձնում և այլն, և երկրորդ՝ յատկացուցչի և յատկացեալի նկատմամբ, օր. լեզուն բացուեց Սամփոռնի. յետոյ յաճախ ենթական նախագասութեան վերջն է դնում. չորս սենեակներ ունի տունը, յարձակուեց և կամեցաւ իջեցնել Փարմասոնի գլխին Վարդանը:

Յաճախ պատահում ենք անկանոն հոլովումների, երևի 60-ական թուականների սրբազան ժառանգութիւնն է, որ Պոռշեանը չի ուղեցել մոռանալ. օր. մարդիս, մարդի, սրբութեանի, աղքատութեանի, կամ «խօսելից յետոյ», բարձրացնելից յետոյ, ստանալից և այլն. գործ է ածում նաև գրարար բառեր, որոնց հետ և անճոռնի բառեր, օր. շինոտած, այլանդակուացել են, պատրուակուել և այլն: Սովորական է նաև որոշիչը բաժանել որոշեալից, որ երբեմն անմիտ բան է դուրս գալիս. օր՝ կանաչ Աստուծու փռած խալիչան և այլն:

Այս անկանոնութիւններից զատ կան նախագասութիւններ և պարբերութիւններ, որ այլանդակ կազմութիւն ունին. օր՝ 1. «եթէ իրանց բնատուր ընդունակութիւնով մասնաւոր գրավարժութեան շնորհք ունեցան, այն է՝ որ փիլիսոսոփայական գիտութիւնները կուլ են տուել», 2. Վաղարշապատի գիւղում մտրակն խաղացնելով հպարտ-հպարտ, կամ թէ Վանքի ձրի եկած գարու շնորհիւ նստում է նա իր գեւրացած պատկերի նման ձիու վրայ («Կոճ.» 187:) 3. Հաւա-

նական է, որ Սեմիզարի բարձր հասակը, կեռ-կեռ յօնքերը... յափշտակեցին երիտասարդ զարգարի ուշքն ու միտքը, երբ նա Փիլոսի երկայնափող, բախչատարայ, անխալախան հրացանն արծաթի օղկերով զարդարելուց յետոյ՝ մի օր էլ պատուէր ստացաւ չափել նորա հրեշտակագեղ դուստր Սեմիզարի հոլանի բիլակը, հնուց մնացած ջարդ ոսկիներից աղջկայ համար մի ապարանջան շինելու» (Բղդէ 210):


Քիչ չեն պատահում նաև կեղծ կլասիք ձևեր, որ գեղեցկութեան փոխարէն աչք են ծակում. օր՝ Մորփէոսի շաղ սուած խաշխաշի փողին արգէն իր ազգեցուծիւնն էր արել... (Յեցիր 312): Այս բուպէիս գեղեցկութիւնն իւր գահը դրել է Սօնայի երեսին» (55), Կ. Պօլսի հայութեան կաթսայի տակ մոխրի մէջ խոր անթեղնած հուրը յետ բացուած էր ի շնորհս Սահմանադրութեան (Սկ. եր. 22), Ներսէս աշտարակեցի արքեպիսկոպոսը, որի դառն մահուան յիշատակը դեռ չէ լուացուել ամեն հայի յիշողութիւնից, գլուխը յետ էր դրել այդ գաղթականութիւնն իրագործելու համար (Շահէն 30), բնութիւնը մայիսին աւելի առաջնորդում է պատանի սրտին դէպի հակառակ սեռի քաղցրութիւնը (39):

Երբեմն էլ խաղ է արել նախադասութեան հետ, երևի պօլսեցիներից վերցրած, օր՝ մտաւ տեղը, մի քիչ միջի մատովը քորեց ընդը, ասեց ես կդտնեմ սրա ճար ու դեղը, երբ որ թագայ գինին կը լցուի գեղը, կչորանայ կահաչի ծեղը, Արշաւիրին կքցեմ նեղը, որ չի հալցնեն մօր Սօսի սրտի եղը (Սօս և Վարդ. 44), և այսպիսի խաղերի ժամանակ զօհել է քերականութիւնը (61, 73): Բարեբաղտարար Պոռչեանը վաղուց է վերջացրել այդպիսի ձևեր գործածելը, թէև յետոյ դրա փոխարէն գրական ուրիշ ջանքերով է արել օր. ոչ մի ճարտարարուեստ իր բնական հանձարի ճարտարութիւնը ճարտարամուտ կերպով գործ դնելուց...» (Յուն. 171):

Կան և երկմիտ նշանակութիւն ունեցող նախադասութիւններ, որ համարում ենք տպագրական կամ սխալ կէտադրութիւնից առաջացած սխալներ: Պոռչեանի գրութեան ձևի, ոճի մասին այսբանը բաւական համարելով, որովհետև

[Զ ո .]

մասամբ իր ժամանակին գնահատուել է, վերջացնում ենք պ. Ա. Զօպանեանի՝ մեր գեղարուեստագէտ քննադատի ընտրող խօսքերով. «ոճը, անհաւասար ու պիտակ, ժողովրդական պատկերալից դարձուածքներու կը միացնէ պատուիլիական ճոռոմարանութիւններ և հեռու է այն միացայտ, համասեռ հզօր ժայթքումն ունենալէ, որ Արովեանին ոճը կ'որակէ»:



ԳԱՆ Հիմնարար Գիտ. Գրադ.



FL0080414

Угемү

513